

四庫全書

子部

欽定四庫全書

婦人大全良方卷二

宋 陳自明 撰

衆疾門

經脉不調衆疾生焉故以次之

極一方總論第一

夫天地造端於夫婦乾坤配合於陰陽雖清濁動靜之不同而成象效法之有類原茲婦人之病與男子不同者亦有數焉古方以婦人病比男子十倍難治不亦言

之深乎但三十六病產蓐一門男子無之其餘外傷風暑寒濕內積喜怒憂思飲食房勞虛實寒熱悲與丈夫一同也依源治療可得而知之

產寶方論第二

古書治婦人別著方論者以其胎妊生產崩傷之異況婦人之病比之男子十倍難療蓋女子嗜慾多於丈夫感病倍於男子加之慈戀愛憎嫉妬憂恚染著堅牢情不自抑所以為病根深治之難差况懷胎妊娠而挾病

也不特避其毒藥仍須審其虛實冷熱而調治之無使妄投湯劑以致夭枉

博濟方論第三

夫人將攝順理則血氣調和風寒暑濕不能為害若勞傷血氣則風冷乘虛而干之或作之於經絡或循入於腹中內受風邪脾胃虛弱故不能消於飲食也食既不充榮衛凝滯肌膚黃燥面不光澤若大腸氣虛則變為下利若流入關元致絕子嗣隨其所傷而變成疾醫經

曰凡婦人三十六種病皆由子臟冷熱勞損而挾帶下起於胞內也是故衝任之脉為十二經之會海婦人之病皆見手少陰太陽之經而候之

冠宗奭論第四

治婦人雖有別科然亦有不能盡聖人之法者今豪足之家居奧室之中處帷幔之內復以帛幪手臂既不能行望色之神又不能殫切脉之巧四者有二闕焉黃帝有言曰凡治病察其形氣色澤形氣相得謂之可治色

澤已淳謂之易已形氣相失謂之難治色夭不澤謂之難已又曰診病之道觀人勇怯骨肉皮膚能知其情以爲診法若患人脉病不相應既不得見其形醫人止據脉供藥其可得乎如此言之烏能盡其術也此醫家之通患世不能革醫者不免盡理質問病家見所問繁遂謂醫業不精往往得藥不肯服似此甚多扁鵲見齊侯之色尚不肯信况其不得見者乎嗚呼可謂難也已

通用方序論第五

夫通用方者蓋產前產後皆可用也或一方而治數十證不可入於專門皆是名賢所處世之常用有效之方雖曰通用亦不可刻舟求劍按圖索驥而膠柱者也

加減四物湯 治婦人經病或先或後或多或少疼痛不一腰足腹中痛或崩中漏下或半產惡露多或停留不出妊娠腹痛下血胎不安產後塊不散或亡血過多或惡露不下服之如神 張聲道云此方治婦人百疾只是四物湯加茺萸煎服若陽臟少使茺萸若陰臟多

使茱萸吳興周端仁郎中頃赴省試照矚一鄰案出場云某本醫家凡婦人百病只是四物湯加茱萸無不效者謹以此為報

徐明仲方加香附子

當歸 白芍藥 川芎

陸氏云川芎減半

生乾地黃

洗焙養生

必用方熟者和劑亦然本草云男子宜熟者女子宜生者合用生者為是

右等分為粗末每服四錢水一盞半煎至八分去滓取六分清者帶熱服食前若平常血氣不調及常服只用本方日二三服治經血凝滯腹內血氣作

疼加莪茂官桂等分用之

王碩膚云熟地黃滯血安能止痛不若用五味子代

之如因產後欲推陳致新補血海治諸疾加生薑煎

若胎動不安下血每服加艾葉五七片更加蔥白

阿膠末減四味之半當歸用小半如疾勢甚者以四

味各半兩細剉以水四盞熟艾一塊如雞子大阿膠

五七片煎至二盞半去滓分作四服一日令盡

一方有粉

草乾薑黃耆

日二三服至二臈

以一七日為一臈

以前產後每日

可一二服如氣虛弱血海不調服一月不妨如

產後被驚氣滯種種積滯敗血一月內惡物微少敗
血作病或脹或疼胸膈脹悶或發寒熱四肢疼痛加
延胡索沒藥香白芷與四物等分為細末淡醋湯或
童子小便酒調下 如血風於產後乘虛發作或產
後傷風頭痛發熱百骨節痛加荊芥穗天麻香附子
石膏藿香各一分四物料共一兩中加之每服三錢
水一盞煎七分服 如虛熱心煩與血相搏口舌乾
渴欲飲水者加栝樓根一兩麥門冬去心三分 如腹

刺痛惡物不下加當歸芍藥一分 如血崩不止加
熟地黃蒲黃各一兩 嘔逆加白朮人參各半兩
如寒熱往來加炮了乾薑牡丹皮各一分 因熱生
風加川芎一分柴胡半兩 腹脹加厚朴枳實各一
分 身熱脉數頭昏項強加柴胡黃芩各半兩 如
臟腑滑泄加桂心附子炮熟各一分 若虛煩不睡加
竹葉人參各一分 煩躁引飲頭痛大渴加知母石
膏各半兩若水停心下微吐逆加朮猪苓防己各三

分同煎 若平常些少虛眩肢體瘦倦月信不調只

用生薑薄荷如常煎服

此是婦人常服之藥蓋味寡而性緩效遲而功深

一

方治婦人血虛心腹疔痛不可忍者去地黃加乾薑名四神湯 治老人風秘加青皮等分煎服 一方

治小便澁大便秘加大黃桃仁去皮尖炒黃臈半煎

一方治血痢不止加阿膠艾葉煎

陳氏方治痢疾腹痛難忍以此

名六物湯

一方治婦人腹痛作聲經脉不快加熟地黃一

倍添桂心半倍煎治瘡疾加荊芥酒煎常服 一方

添柴胡名五神湯柴胡大能補虛退虛熱 一方以
四物湯共四兩為細末煉蜜為圓如梧桐子大空心
米飲下三四十圓以療年高婦人白帶又良驗也請
詳用之 一方四物湯共四兩加甘草半兩細末煉
蜜為圓每兩作八圓酒醋共半盞溫湯同化調停下
名當歸煎去敗血生好血如人行五里再進一圓無
時候用生地黃為正此藥不知起於何代或云始自魏華佗
按巢氏云佗之術精微方類單省傳稱佗術鍼灸不

過數處千金方云自三代以來醫方論藥未有如此
詳備者其間有漢晉名公諸方今產寶方乃朱梁時
節度巡官咎膺所撰其中有四物散國朝太平興國
中修入聖惠方者數方自後醫者易散為湯雖無傑
特之功但善用者若馭良馬以意驅策之則隨意無
所不至自可珍也自皇朝以來名醫於此四物中
增損品味隨意虛實寒燠無不得其效者然亦非
止婦人之疾可用而已

懷妊產前後加減良方

川芎

洗

當歸

桂心

不見火

白芍藥

洗

右四味各為細末取淨一兩各隨病證加減用

產前初覺胎動川芎芍藥各半錢米飲下臨產腹

痛甚川芎芍藥當歸各半錢桂末一錢

溫酒下扶產婦運行

產

後惡露未快川芎當歸各半錢童子小便調下仍時

時打醋炭令香不絕則血脉自收安樂無病切不可

妄投藥恐逐血過多則心虛氣劣三日內只服當歸

川芎末各一錢童便調下日三服三日後只服四順
理中圓空心童子小便吞下 七日內補虛當歸川
芎末各一錢童子小便或米飲調下 七日外方可
服補藥補得太早則留住惡血 纔平善四味各半
錢童便調下 產後頭昏目暈川芎芍藥當歸末各
半錢童子小便調下未滿月已滿月四味各半錢水
一盞煎至八分溫服 腹痛當歸末一錢桂心末半
錢童子小便調下心胃煩悶當歸芍藥各一錢童子

小便調下 惡露過多桂心芍藥當歸各一錢童子
小便調下 大便冷用理中圓水一盞煎八分溫服
佛手散 治產前產後腹痛體熱頭疼及諸疾纔產了
未進別物即先服此藥能除諸疾逐敗血生新血

川芎

兩
川當歸 三兩

右為細末每服二錢水一盞酒二分煎七分溫服
一方為粗末每服四錢水七分酒三分同煎至七分
熱服將產前先安排此藥將兩服藥末煎之產了速

進之三日內日二服三日外日一服 一方名芎歸
湯只是此二味等分咬咀水煎專治失血傷胎去血
產後去血崩中去血金瘡去血拔牙去血不止及一
切去血過多心煩眩暈悶絕不省人事頭重目暗舉
頭欲倒悲能治之若產後眩暈宜加芍藥服之一
名桂香散治產後腹疼不可忍者加桂心等分酒與
童子小便合煎服之立效 一名當歸湯治姙娠子
死或未死胎動不安每服用酒水合煎連進數服胎

若已死服之便下若未死其胎即安此經累效萬不失一 一名琥珀散臨月服之則縮胎易產兼治產後諸疾 一名羊肉湯治虛損羸乏腹中疔痛往來寒熱吸吸少氣不能支持頭眩自汗腹內拘急每服用精羊肉一兩薑十片水二盞煎至六分溫服 一名君臣散治婦人室女心腹疔痛經脉不調用水煎服若妊婦胎氣不安產後諸疾加酒煎服 一名芎當散治婦人血氣上喘下腫二味等分為細末每服

二錢空心煎艾湯調下 又治產後損身血衝心及
腹脹氣絕者神驗 難生倒橫子死腹中先用黑豆
一大合炒熟水一盞入童子小便一盞藥末四錢煎
至一盞以上分為二服未效再作 產後惡血注心
迷悶喘急腹痛依前用黑豆加生薑自然汁半合煎
服 又此藥兼治臟毒每服一錢半入炒槐花末半
錢水一盞煎至六分無時候服三日取下血塊即愈
如產後頭痛加荊芥煎 如吐血亦宜服

論丹參散主治

出明理
方論

四物湯婦人多用者以其不問產前產後經水多少皆可通用惟丹參散一味其主治頗相類何者以其能破宿血補新血安生胎落死胎止崩中帶下調經脉大類當歸地黃芍藥川芎也

丹參散 治婦人經脉不調或前或後或多或少產前胎不安產後惡血不下並治之兼治冷熱勞暖脊痛骨節煩疼

丹參

不以多少
去土切

右為細末每服二錢溫酒調下經脉不調食前服冷
熱勞無時候服

勝金圓

一方名不換金圓治婦人諸虛不足
心腹疼痛一名勝金丹有沉香

治婦人久

虛無子產前產後一切病患兼療男子下虛無力此藥
能安胎催生妊娠臨月服五七圓產時減痛婦人無子
是子宮冷如服二十圓男女自至又治積年血風脚手
麻痺半身不遂赤白帶下血如山崩及治產後腹中結

痛吐逆心痛子死腹中遶臍痛氣滿煩悶失蓋汗不出
月水不通四肢浮腫無力血勞虛勞小便不禁中風不
語口禁產後痢疾消渴眼前見鬼迷運敗血上衝寒熱
頭痛面色痿黃淋瀝諸疾血下無度血痢不止飲食無
味產後傷寒虛煩勞悶產後血癖產後羸瘦凡婦人衆
疾不論年月日深並皆治之

白芍藥

藁本

石脂

赤白皆可

川芎

不見火

牡丹皮

當歸

白茯苓

人參

白薇

白芷

桂心

延胡索 白朮 沒藥 甘草

炙 沒藥 甘草減半 江西安撫司

右十五味等分為細末煉蜜為圓如彈子大每服一圓溫酒化下初產了並用熱醋湯下空心食前此方係王承宣臺祖傳渠家凡婦人懷身便服此藥甚神妙常服尤好係在京師於能家傳到

金釵煎 專治婦人諸疾產前產後風虛痼冷手足癰痺豆淋酒化下血風頭痛產後中風荊芥酒化下產前產後痰涎咳嗽桑白皮湯下經脉不調或前或後或多

或少血氣攻刺腰脇重痛溫酒化下經脉不通產後血
喘蘇木人參煎湯化下血崩不止赤白帶下側柏燒灰
調酒下姙娠將理失宜或因驚動痛極妨悶漏胎下血
膠艾煎湯化下臨產艱難乳香研酒化下子死腹中胎
衣不下用朴消三錢重研細童便和酒化下產後勞倦
傷敗血氣如瘡寒熱遍身疼痛喘嗽盜汗地黃烏梅煎
湯化下產後敗血浮腫薑汁少許和酒半盞化下產前
服之則安胎臨產亦易產產後則逐去惡血不生諸疾

用童便和酒化下常服活血駐顏大暖血海升降陰陽
滋養榮衛或子宮久冷多病少子能久服之見效立致
忌生冷油膩魚腥猪母白猪一切毒物

當歸 白芍藥 川芎 石斛酒炒 香附子炒 糯米

各二兩炒 降真香細剉 熟地黃各四兩 秦艽 貝母去心 羌活

桂心 粉草 乾薑炮 北細辛 牡丹皮 大

豆卷炒 茴香炒 枳殼去穰炒 延胡索 白芷各一兩 人

參 木香 石膏煨 沉香 黃芩各半兩 川椒三分 交

加修製
八兩

右為細末煉蜜為圓每兩作七圓依前服餌常服溫

酒化下

檀峯曉公方

交加散 治產前後百病治婦人榮衛不通經脉不調
腹中撮痛氣多血少結聚為瘕產後中風尤妙

生地黃

一斤研取
自然汁

生薑

十二兩研
取自然汁

右將地黃汁炒生薑滓薑汁炒地黃滓各稍乾焙為
細末每服三錢溫酒調下尋常腹痛亦宜服產後尤

不可缺

交加散 治榮衛不和月經湛濁大能滋養血絡逐散惡血臍腹撮痛腰腿重墜血經諸疾並皆治之

生薑

十二兩

生地黃

一斤

二味製度如前法

白芍藥

延胡索

醋紙裏煨令熟用布揉去皮

當歸

桂心

各一兩

紅花

炒无惡血不用

沒

藥

別研各半兩

蒲黃

一兩隔紙炒

右為細末每服二錢溫酒調下如月經不依常蘇木煎酒調下若腰疼用糖毬子煎酒調下無時候

玉露通真圓

治婦人諸疾

出經驗婦人方

半夏

薑汁製炒

人參

各半兩

食茱萸

醋炒製

厚朴

各兩一分

澤蘭

葉

二兩半

甘草

蟬蛻

炒

白芍藥

石膏

蚕蛻

用炒

如無以蚕繭
然三張代

白朮

當歸

羌活

熟地黄

洗焙

茯苓

各二兩

防風

乾薑

栢子仁

蒼朮

白薇

木香

黃耆

川牛膝

附子

白蕪荑

與蟬蛻同

炒然此方無蟬蛻
想馬鳴蛻是也

川芎

藁本

各一兩

川椒

苦梗

各三兩

白芷

一兩半

右為細末煉蜜為圓每九錢重分作十圓切記煉蜜
無令太過及生 男子婦人諸虛不足狀如勞疾黃
耆煎酒下 血氣痛燒秤錘淬酒下 產前安胎用
醋湯下 產後諸疾用酒或鹽湯下 產前產後瀉
用米飲送下 男子婦人牙疼用半圓揩疼處良久
鹽湯嚥下 產前產後血悶用童子小便送下 經
脉不調用紅花煎酒送下 產後風毒生瘡疥荊芥
茶下 冷痰翻胃醋心乾嚼下 婦人子宮久冷崩

漏赤白帶下用童子小便米醋好酒一處煖熱下

補中圓常服

川芎 白芍藥 黃耆 當歸 人參 陳皮

各半

兩 白朮 地黃

各一兩

右為末煉蜜圓如梧子大每服五七十圓溫水下

二聖散產前服之則安胎產後惡血不盡胎衣不下方

川芎 羌活

二味等分

右為細末每服二大錢水七分盞酒少許煎七沸溫

服

二聖大寶琥珀散

生地黄

一斤生薑

一斤二味修製如前交加散

當歸

川芎

牡

丹皮

芍藥

義茂

蒲黃

香白芷

羌活

味八

各桂心

不見火

熟地黄

炒

石十味各一兩同前二味為細末於瓷合內收之湯

使于後

婦人冷氣痛并血海不調膈氣炒薑酒下

二錢

產後胞衣不下暖酒調下二錢

產婦臨月

日進三服則滑胎易產溫酒調二錢 產後血犯心
眼見鬼神用童便半觔酒半盞同煎調二錢 婦人
久服則顏色紅白無血來相攻一生無子者久服則
有孕 此藥治療婦人百病空心日午食前日二服
產後百病並暖酒調下

朱翰林白朮煎

治婦人胎前產後血氣諸疾

出明理方論

木香

半分炮

三棱

莪茂

白朮

各一兩

枳殼

去穰麩炒黃

白茯苓

當歸

延胡索

人參

熟地黃

洗牡

丹皮

粉草

各半
兩

右為末米糊圓如梧桐子大每服十五圓至二十圓
常服溫酒吞下湯使于后 胎前渾身并脚手痛炒

薑酒下

胎前腹內疼并安胎紫草煎酒下 胎前

嘔逆吐食糯米飲下

胎前飲食不得渾身倦怠豆

淋酒下

胎前渾身發熱甘草湯下 胎前咳嗽煨

薑鹽湯下

胎前頭痛煨葱茶下 胎前產後瀉紫

蘇薑酒下

催生胎衣不下嚼葱白三寸煖酒下

產後赤白痢乾薑甘草湯下 產後下血不止燒紗

帽灰一錢調酒下

無燒漆亦可

產後渾身虛腫陳皮去白

焙乾浸酒下

頭疼薄荷茶下

常服飯飲下

赤

白帶下燒棕櫚灰三錢調酒下

久年血氣成塊築

心痛溫酒下炒薑酒下及良薑浸酒下皆可

婦人

室女經脉不通煎紅花蘓木酒下

經脉不調或前

或後或多或少煎當歸酒下

大小便秘結燈心煎

湯下

乳汁不行苦蘓煮猪蹄羹下

產後腰疼煎

芍藥酒下

沉香琥珀煎 益榮衛滋氣血經脉不調心忪倦乏腰
膝疼痛赤白帶下五心煩熱面無顏色血海久冷胎孕
不固增寒壯熱婦人諸疾並能治之

沉香 琥珀別研 附子炮 川芎 肉桂 五味子

石斛去根切酒蒸炒 辰砂研 阿膠各半兩 沒藥研 續斷 蓰

蓉酒洗 人參 當歸 牛膝各三分 木香 地黃各一兩

右為末蜜圓如梧桐子大每服四十圓空心酒吞下

日午再服

滋血湯 滋養榮血補婦人諸虛治血海久冷

二方並出胡氏方

當歸 川芎 芍藥 人參 麥門冬 牡丹皮

阿膠

各二兩

琥珀

三分別研

酸棗仁

炒粉草

桂心

各一

兩

半夏麴

一兩半

右為粗末每服三大錢水一盞薑三片煎七分去滓
溫服一日三服

烏雞煎圓

治婦人百病

出三因方

吳茱萸 良薑 白薑 當歸 芍藥 延胡索

炒 椒 炒 陳皮 青皮 劉寄奴 生地黃 莪茂

川芎 各一兩 荷葉灰 四兩 北艾 二兩 破故紙 炒一兩

右為細末醋煮麴糊元如梧子大每服四五十圓

月水不通紅花蘓木酒下 白帶牡蠣粉酒下 子

宮久冷白茯苓煎湯下 赤帶建茶清下 血崩豆

淋酒調綿灰下 胎不安蜜和酒下 腸風陳米飲

調百草霜下 心疼菖蒲煎酒下 漏胎下血烏梅

溫酒下 耳聾膈茶煎湯下 胎死不動斑蝥三箇

煎酒下 腰脚痛當歸酒下 胞衣不下芸臺研水

下 頭風薄荷茶下 血風眼黑豆粉草湯下 生

瘡生地黃湯下 身體疼痛黃耆末調酒下 四肢

浮腫麝香湯下 咳嗽喘滿桑白皮湯下 腹痛芍

藥末調酒下 產前產後白痢乾薑湯下 赤者甘草

湯雜者二宜湯常服溫酒醋湯任下並空心食前服

婦人大全良方卷二

欽定四庫全書

婦人大全良方卷三

宋 陳自明 撰

此一卷論中風角弓反張風痺手足不隨偏枯口噤口
眼喎斜風眩頭痛血風心神驚悸癰狂骨節痛風血風
走注瘙癢癰疹風痰脚氣腰痛諸疾已上諸症雖各有
方論亦要先明其大體察脉之虛實辨證之冷熱相入
之強弱入臟入腑在絡在經首以局方調治未要猛浪

用藥令之治法先宜順氣然後治風萬不失一蓋有中風中寒中暈中痰中氣皆能令人涎潮昏塞所謂朱紫相凌玉石不分醫者不可不詳而究之如中風若作中氣治之十愈八九中氣若作中風治之十無一生所以疑惑之間不問中風中氣首以蘓合香圓麝香煎五積散如中痰則有參蘓飲如中寒則有理中湯如中暈則有白虎湯如的然見得是中風如三生飲木香煮散排風續命風引大小竹瀝大八風湯至寶丹牛黃清心圓

辨其冷熱虛實而投之未有不妥者也然此疾積襲之
久非一日所能致令人服藥三五服便責無效其責醫
者亦速矣正宜大劑久服方有其效孟子曰七年之病
求三年之艾也

婦人中風方論第一

夫中風者虛風中於人也風是四時八方之氣常以冬
至之日自坎而起候其八方之風從其鄉來者主長養
萬物若不從其鄉來者名為虛風賊害萬物人體虛者

則中之當時雖不即發停在肌膚後或重傷於風前後
重沓因體虛則發入臟腑俞俞皆在背中風多從俞入
隨所中之俞而乃發病婦人血氣虛損故令中風也當
察口眼開闔以別重輕涎沫有無以明證治如眼開口
閉手足不開涎不作聲者可治如眼閉口開聲如鼾睡
遺尿者死

至寶丹 藪合香圓

五積散

加麝香煎

牛黃清心圓

和見

方劑 大八風湯

方見偏枯第七篇

排風湯 治男子婦人風虛濕冷邪氣入藏狂言妄語
精神錯亂及風入五藏等證 詳見和劑方

白鮮皮 白朮 白芍藥 桂心 川芎 當歸

防風

杏仁

去皮尖
麤炒

甘草

各二兩

白茯苓

麻黃

去節獨活各三兩

右咬咀每服三錢水一盞半生薑四片煎至八分去

滓溫服無時候

癸丑春有一婦人年四十四五其證
說話氣短足弱行得數步則口若舍

霜七十日內三次經行遇行則口冷頭目眩暈足冷
則透心冷痛每行則口中冷氣不相續有時鼻中熱

面赤翕然而熱身體不仁不能行步手足不隨不能
俛仰冷痺骨疼有時悲傷憂與前夫相隨則上氣奄
然而極心驚志意不定恍惚多忘却能食如此僅一
年許醫者投熱藥則面翕然而熱氣滿胃中咽中窒
塞悶絕投冷藥則瀉又一醫者以十全湯服之則發
煩躁心驚而跳一醫者以雙和湯服之覺得面上與
腹中甚如火燂心愈驚欲吐不吐大府秘裏急後重
求僕診之六脉弦緩喜見於春此是可治之疾未供
藥間忽然吐瀉瀉後覺肛門如火雖瀉六次却不多
僕一時識證未盡且與俞山人降氣湯八服次日診
之脉差有力云服藥之後覺鼻中熱心煩悶絕齒噤
與參蘓飲八服黃連圓一兩許越三日云服藥之後
其疾如故與茯苓補心湯服之皆無效僕以脉證詳
之只有排風湯甚對此證或曰何以見得是此證一
能食飲此風飢也二七十日三次經行此是榮經有
風血得風散也三頭目眩暈此肝風也四面赤翕然

而熱悲傷此心風也五身體不仁不能行步夢與前
夫相隨此脾風也六手足不隨腰痛難以後仰冷痺
骨疼此腎風也諸有此候令人心驚志意不定恍惚
多忘真排風湯證也或曰風脉當浮今脉弦緩微弱
恐非風也答曰風無一定之脉大抵此證虛極生風
然排風湯所用之藥有十全大補湯料亦有平補之
意却不僭燥供十服越三日云服之有效脉亦差勝
只是心中如烟生似有微熱大便尚秘此真是風證
再與排風湯十服兼牛黃清心圓皂角圓助之越三
日云服前藥一二日大煩躁與熱諸證悉除只是足
弱不能支持脉亦弱與秘傳降氣湯十服又越三日
云諸證悉退只是夢裏虛驚大便滑泄如食傷相似
奏廁頻數脉尚弱與五積散數服加人參益煎兼感
應元即愈自後云皆無恙矣但上重而頭眩不能久
立久坐再與排風湯則脫然安矣以此
方知要依古法不可杜撰臆度處方

三生散 治卒中昏不知人口眼喎斜半身不遂咽喉作聲痰氣上壅無問外感風寒內傷喜怒或六脉沉伏或指下浮盛並宜服之兼治痰厥飲厥及氣虛眩暈悉有神效

生南星

一两

生烏頭

去皮尖

生附子

各半兩去皮

木香

一分

右咬咀每服半兩水二大瓊生薑十片煎至六分去滓溫服或口噤不省人事者用北細辛皂角各少許為細末或只用半夏為細末用少許以蘆管吹入鼻

中俟嘔噎其人少甦然後進藥如氣盛人只用南星
五錢重木香一錢加生薑十四片煎作兩服飲之名
星香飲

參蘇飲 治痰飲停積胃中中脘閉塞嘔吐痰涎眩暈
嘈煩忪悸噦逆及痰氣中人停留關節手足躄曳口眼
喎斜半身不遂食已即嘔頭疼發熱狀如傷寒

人參 紫蘇葉 半夏 茯苓 乾葛 前胡 各

分 甘草 木香 陳皮 枳殼 製 苦梗 各半

兩

右咬咀每服四錢水一錢半薑七片棗一枚煎七分去滓空心溫服腹痛加芍藥

木香煮散治左癱右瘓并素有風濕諸藥不效常服

調氣進食寬中

蘇沈良方
言之甚詳

羌活

麻黃

去節各一兩

防風

三分

白朮

陳皮

黑附

子炮

南木香

檳榔

牛膝

大川烏

炮

草豆蔻

連皮

杏仁

去皮尖
麤炒

人參

白茯苓

川芎

當歸

甘草

桂心

各半兩

右咬咀每服四錢重水一大瓊半生薑五片煎至八分去滓熱服大便不通加大黃心腹脹加苦葶藶滑石隔上壅滯咳嗽氣促加半夏川升麻天門冬知母繆安人年六十五六忽然中風不省人事無汗有痰已辨後事衆醫以為不可治也召僕診之六脉浮緩脾脉溢關此真風脉也先投參蘓飲六服先寬氣下痰次以木香煑散而愈又享十年之壽

附子理中湯 治五臟中寒口噤四肢強直失音不語

昔有武士守邊大雪出帳外觀瞻忽然暈倒時林繼作隨行醫官灌以此藥兩劑遂醒

大附子

炮

人參

去蘆

乾薑

炮

甘草

炙

白朮

等分

右細剉每服四錢重水一棧半煎七分去滓不以時

候服口噤幹開灌之

開慶己未年七月間裕齋馬觀文夫人曹氏病氣弱倦怠四肢

厥冷惡寒自汗不進飲食一醫作伏暑治之投暑藥一醫作虛寒治之投熱藥無效召僕診之六脉雖弱而兩關差甚裕齋問曰此何證也僕荅曰以脉觀之六部雖弱而關獨甚此中焦寒也中焦者脾也脾胃既寒非特但有是證必有腹痛吐瀉之證今四肢厥冷四肢屬脾是脾胃虛冷無可疑者荅云未見有腹痛吐瀉之證合用何藥治之僕荅曰宜用附子理中湯未服藥間旋即腹痛而瀉莫不神之即治此藥一差投而

加減小續命湯 治卒暴中風不省人事漸覺半身不遂口眼喎斜手足戰掉語言蹇澁肢體麻痺神情昏亂頭目眩重痰涎併多筋脉拘攣不能屈伸骨節煩疼不得轉側及治諸風服之皆驗若治脚氣緩弱久服得差久病風人每遇天色陰晦節候變更宜預服之以防瘡瘕

麻黃

去根節

防己

人參

去蘆

黃芩

桂心

甘草

白芍藥

川芎

杏仁

各一兩

附子

炮半兩

防風

一兩半

右呖咀每服五錢水一瓊半薑七片棗兩箇煎至七分去滓不以時候服取汗隨人虛實與所中輕重有人脚弱服此六七劑得瘥精神恍惚加茯神遠志骨節煩痛有熱者去附子倍芍藥心煩多驚者加犀角半兩骨間冷痛者倍用桂附嘔逆腹脹者倍人參加半夏一兩躁悶大便澁者去附子倍芍藥入竹瀝一合煎服臟寒下利者去防己黃芩倍附子一兩加白朮一兩

古今錄驗有白朮無杏仁

救急無芍藥杏仁

止十味

延年無防風

一云違失

便利產後失血并老人

小兒用麻黃桂心甘草各二兩

一法治或歌哭或

笑語無所不及用麻黃三兩人參桂枝白朮各二兩

無附子防風生薑有當歸一兩自汗者去麻黃杏仁

加白朮

脚弱加牛膝石斛各一兩

身疼痛加秦

朮一兩

腰疼加桃仁杜仲各半兩

失音加杏仁

一兩

春加麻黃一兩
秋加當歸四兩

夏加黃芩三分
冬加附子半兩

小風引湯

防風 獨活 細辛 川芎 北五味子 白茯苓

苓 人參 白芍藥 白朮 甘草

等分

右咬咀每服三錢水一錢薑三片杏仁五箇去皮尖
槌碎同煎至七分去滓溫服 如加麻黃從蓉附子

當歸羚羊角六味

等分

即大風引湯

千金竹瀝湯 大治熱即生風

竹瀝

升二

生葛汁

升一

生薑汁

三合

右三味相和溫暖分三服朝晡夜各一服

必效竹瀝湯 治中風涎潮譫語昏塞四肢緩縱

秦艽 防風 獨活 附子

各一分

右咬咀以水四瓊煎至二瓊入生地黃汁淡竹瀝各半瓊再煎四五沸去滓分作四服無時熱服病勢去以他藥扶持未愈再作近世貴人用之多有神效

燒竹瀝法

新竹截尺許長去節作兩邊用兩磚對立相去八寸置竹仰在磚上急着焰火燒之磚外兩頭以椀盛瀝

瀝盡以絹澄清夏秋湏沉冷水中以防瀝酸凡大熱有風人亦可單服冷暖隨人勿過度荆瀝亦然

婦人中風角弓反張口噤方論第二

夫婦人角弓反張者是體虛受風風入諸陽之經也人之陰陽經絡周環於身風乘虛入於諸陽之經則腰背反折攣急如角弓之狀宜用小續命湯

方見前

活人書論曰婦人產後血虛多汗出喜中風身體強直口噤背反張作瘕治之屬太陽經先因傷風又感寒濕

而致然也古人謂之瘧病外證發熱惡寒與傷寒相似

但其脉沉遲弦細而項背反張強硬如發癰之狀此為

異耳

新產血虛多汗出喜中風亦有此證

當察有汗無汗以分剛柔二瘧

無汗惡寒名剛瘧有汗不惡寒名柔瘧

陽瘧屬剛瘧陰瘧屬柔瘧無汗葛

根湯主之有汗桂枝加葛根湯主之凡剛柔二瘧小續

命湯並可與之有汗者去麻黃加葛根若審知剛瘧者

胃滿口噤其人卧不着席脚攣急咬齒當行大承氣湯

注云外臺云熱而瘧者死熱病瘧者反折瘧癡齒噤斷也

附朮湯

桂心白朮散

附子防風湯 八物白朮湯 桂枝煮散可選而用之

解惑論云合面而卧為陰瘧仰卧者為陽瘧又云或因濕寒發汗多則發瘧也

葛根湯 治剛瘧無汗惡風

產後有疾凡用麻黃更宜斟酌

葛根 麻黃

去根節炮

薑皮

各三分

桂枝

粉草

芍藥

各半兩 大棗 三箇

右咬咀每服三錢水一椀煎七分去滓溫服取汗為度

桂枝加葛根湯 治柔瘧有汗不惡寒

桂枝

芍藥

甘草

各六錢
三字

乾葛

一兩
三錢

生薑

一兩
棗

四枚

右咬咀每服三錢水一椀煎七分去滓溫服取汗為

度

大承氣湯

愚詳之產後難
用此藥故不錄

附朮散

治傷寒手足逆冷筋脉拘急汗出不止項強

直搖頭口噤

附子

白朮

各一兩

川芎

三錢

肉桂

二錢

獨活

半兩

右為細末每服三錢棗二箇水一中錢煎至一半溫服

桂心白朮湯 治傷寒陰瘕手足厥冷筋脉拘急汗出不止

白朮 桂心 附子 炮 防風 川芎 甘草

各兩半

右咬咀每服五錢水二錢薑四片棗三枚煎八分去滓溫服

附子防風散 治傷寒陰瘕閉目合面手足厥逆筋脉

拘急汗出不止

柴胡

一兩半

五味子

白朮

各一兩

茯苓

甘草

乾

薑

附子

炮

防風

各三分

桂心

半兩

右為粗末每服三錢薑四片水一盞煎七分去滓溫服

八物白朮散

治傷寒陰瘕三日不差手足厥冷筋脉

拘急無汗恐陰氣內傷

白朮

麻黃

去根節

茯苓

五味子

羌活

各半兩

附

子炮桂心

各三分

良薑

一分

右為粗末每服四錢水一錢薑四片煎七分去滓溫

服

凡用麻黃宜斟酌用之不可過多

白殭蚕散 治婦人中風角弓反張口噤不能言皮膚
頑痺筋脉抽掣

殭蚕

一兩

烏蛇肉

炙

天麻

獨活

南星

炮

川烏

炮去

皮防風

蟬蛻

洗

白附子

炮

犀角屑

朱砂

研

桑

螵蛸

各半兩

麝香

一分研

右為細末每服一錢溫酒調下無時候

烏蛇圓 治婦人中風牙關緊急手足頑麻心膈痰涎壅滯

烏蛇肉

炙

天麻

白附子

炮

南星

炮各一兩

獨活

烏

犀屑

殭蚕

炒

全蝎

炒

半夏

麴

麻黃

去根節

當歸

晚蚕沙

各半兩炒

右為細末煉蜜元如梧桐子大每服七元溫酒吞下

亦治角弓反張

婦人中風口噤方論第三

夫婦人中風口噤者是體虛受風風入頷頰夾口之筋也手三陽之筋結入於頷頰足陽明之筋上夾於口而風挾冷乘虛入其筋則筋攣故引牙關急而口噤也

天南星散 治婦人中風口噤四肢拘急

天南星薑汁炒黃白附子炮黑附子炮烏蛇肉酒炙全蝎

等分
炒

右為細末每服半錢以生薑汁溫酒調下無時拗開

口灌

走馬散 治婦人中風口噤四肢強直

黑附子炮 天麻各半兩 桂心 石膏 麻黃去根節 蝎

梢炒 川烏炮去皮尖 南星炮各一分 麝香半分研

右為細末入研藥令停每服一字無時豆淋酒調灌

烏蛇散 治婦人中風口噤

烏蛇肉炙 全蝎炒 天麻 南星炮 殭蚕各半兩炒 膩粉

半分

右為細末入膩粉令停每服一字以生薑酒調灌下
婦人中風不語方論第四

巢氏云脾脉絡胃夾咽連舌本散舌下心之別脉係舌
本今心脾二臟受風邪故舌強不得語也喉嚨者氣之
所以上下也會厭者音聲之戶舌者聲之機唇者聲之
扇風寒客於會厭之間故卒然無音皆由風邪所傷故
謂之中風失音不語經云醉卧當風使人發瘡

神仙解語丹 治心脾經受風言語蹇澁舌強不轉涎

唾溢盛及療淫邪搏陰神內鬱塞心脉閉滯暴不能言

白附子

炮

石菖蒲

去毛

遠志

去心甘草水煮十沸

天麻

全蝎

酒炒

羌活

白殭蚕

炒

南星

牛膽釀如無只炮各一兩

木香

兩

石為細末煮麪糊為圓如梧桐子大量入辰砂為衣
每服二十圓至三十圓生薄荷湯吞下無時候

防風湯

治中風內虛脚弱語蹇

石斛

一兩半酒炒

乾地黄

杜仲

去皮切薑汁炒

丹參

各一分

防風

川芎

麥門冬

去心桂心

川獨活

各一兩

右咬咀每服五錢水盞半棗二枚煎至八分去滓溫服

竹瀝湯 治中風入肝脾經年四肢不遂舌強語蹇

葳靈仙 附子炮 苦梗 蔓荊子 防風 枳殼

去穰 麴炒 川芎 當歸 各等分

右咬咀每服四錢水一盞竹瀝半盞薑三片煎至八分溫服日四服忌茶

婦人風痺手足不隨方論第五

夫婦人風痺者由風寒濕三氣合而為痺風多者為風痺其狀肌膚盡痛諸陽之經皆起於手足而循行於身體風寒之氣客於肌膚始為痺復傷陽經隨其虛處而停滯與血氣相搏血氣行則遲緩使機關弛縱故風痺而復手足不隨也

三痺湯 治血氣凝滯手足拘攣風痺氣痺等疾皆療

川續斷

杜仲

去皮切薑汁炒

防風

桂心

華陰細辛

人參

白茯苓

當歸

白芍藥

甘草

各一兩

秦艽 生地黃 川芎 川獨活

各半兩

黃耆 川

牛膝

各一兩

右咬咀爲末每服五錢水二錢薑三片棗一枚煎至一錢去滓熱服無時候但腹稍空服有人病左臂不隨後已瘥平而手指不便無力試諸藥不驗服此藥纔半即安

三五七散亦妙

方見局方不復贅錄

婦人中風自汗方論第六

尋古治中風方續命排風越婢等悉能除去而千金多用麻黃令人不得慮虛凡以風邪不得汗則不能泄也然此治中風無汗者為宜若治自汗者更用麻黃則津液轉使脫泄反為大害中風自汗仲景雖處以桂枝湯至於不住發搐口眼瞤動遍身汗出者豈勝對治當此之時獨活湯續命煮散復榮衛却風邪不可闕也

獨活湯 治風虛昏憤不自覺知手足棄縱坐卧不能或發寒熱血虛不能服發汗藥及中風自汗尤宜服之

川獨活 羌活 人參 防風 當歸 北細辛

茯神

去木

半夏

桂心

白薇

遠志

去心

菖蒲

去毛

川芎

各半兩

甘草

三分

右咬咀每服五錢水盞半薑五片煎七分去滓無時
溫服

續命煮散 治風氣留滯心中昏憤四肢無力口眼喎
動或時搐搦亡失津液渴欲引飲此能扶榮衛去虛風
中風自汗及產後中風自汗尤宜服之

防風 獨活 當歸 人參 細辛 葛根 芍

藥 川芎 甘草 熟地黃 半夏 遠志

去心 荆

芥穗

各半兩 桂心 七錢半

右咬咀每服五錢水一錢生薑三大片煎至七分去滓溫服不拘時汗多不止者加牡蠣粉一分半

婦人臂痛方論第七

論曰夫婦人臂痛筋脉攣急不得屈伸遇寒則劇由肝虛為風寒邪氣流於血脉客於經絡搏於筋筋不榮則

乾急而痛其脉緊細宜服栝子仁圓舒經湯若臂痛不能舉或左或右時復轉移一臂由中脘伏痰脾氣滯而不行上與氣相搏四肢皆屬於脾脾氣滯而氣不下上攻於臂故痛其脉沉細宜茯苓圓控涎丹

栝子仁圓

王氏指迷方

栝子仁

乾地黄

各二兩

茯苓

枳實

去穰
麩炒

覆盆子

炒北五味

附子

炮

石斛

去根切
酒蒸炒

鹿茸

酥炙

酸棗仁

炒

桂心

沉香

黃耆

各一兩
蜜水
炙一方等分

右為細末煉蜜為丸如梧桐子大空心酒下三十圓
舒經湯 治臂痛又名五痺湯亦治腰下疾

片子薑黃

四兩

甘草

羌活

各一兩

白朮

海桐皮

當歸 赤芍藥

各二兩

右為粗末每服三錢水一錢半煎至七分去滓溫服
如腰以下疾空心服腰以上疾食後服

茯苓圓

茯苓

一兩

半夏

二兩

枳殼

半兩

風化朴硝

一分

右四味為末薑汁煮糊為圓如梧桐子大生薑湯下
二十圓食後服

控涎丹 凡人忽患胃背手足頸項腰胯隱痛不可忍
連筋骨牽引釣痛坐卧不寧時時走易不定俗醫不曉
謂之走疰使用風藥及針灸皆無益又疑是風毒結聚
欲為癰疽亂以藥貼亦非也此乃痰涎伏在心膈上下
變為此疾或令人頭痛不可舉或神意昏倦多睡或飲
食無味痰唾稠粘夜間喉中如鋸聲多流睡涎手脚重

髓冷痺氣脉不通誤認為癱瘓亦非也凡有此疾但以此藥不過數服其疾如失

甘遂

去心

大戟

去皮

真白芥子

各等分炒

右為細末糊圓如梧桐子大臨卧淡薑湯吞下五七圓如痰猛加至十圓

白芥子散 治臂痛外連肌肉牽引背胛時發時止此由榮衛之氣循行失度留滯經絡與正氣相搏其痛發則有似癱瘓

真白芥子

木鼈子

各二兩
麤炒

沒藥

別研桂心

木香

各半
兩

右為細末入研藥令停每服一錢溫酒調下

流氣飲子

紫蘇葉

青皮

苦梗

大黃

煨當歸

芍藥

烏藥

茯苓

川芎

黃耆

枳殼

去穰麤炒

防風

各半

兩

甘草

橘皮

各三分

木香

連皮大腹

二兩剉薑汁炒

右咬咀每服五錢水二錢薑三片棗一枚煎一錢去

滓服

婦人賊風偏枯方論第八

論曰賊風偏枯者是體偏虛受風風客於半身也人有勞傷血氣半身偏虛者風乘虛入客於半體名為偏風也其風邪入深真氣去邪氣留發為偏枯此由血氣衰損為風所客令血氣不相周榮於肌故令偏枯也

論曰夫偏枯者其狀半身不隨肌肉枯瘦骨間疼痛神智如常名曰偏枯僕原疾之由皆由陰陽偏虧臟腑怯

弱經絡空虛血氣不足當風衝坐風邪乘虛而入疾從
斯作內經云汗出偏沮使人偏枯詳其義理如樹木或
有一邊津液不蔭注而先枯槁然後被風所害人之身
體或有一邊血氣不能榮養而先枯槁然後被風所苦
其理顯然王子亨有云舟行於水入處於風水能泛舟
而亦能覆舟風能養體而亦能害體蓋謂舡漏水入體
漏風傷古人有云醫風先醫血血行風自滅是也治之
先宜養血然後驅風無不愈者宜用大八風湯增損茵

芋酒續斷湯

大八風湯 治中風偏枯失瘖半身不遂時復恍惚

當歸

杏仁

去皮尖
麩炒黃

甘草

桂心

乾薑

各二兩
炮

五

味子

升麻

各兩半

川烏

炮去
皮尖

黃芩

芍藥

獨活

防風

川芎

麻黃

去節

秦艽

石斛

去根切
酒蒸炒

人

參

茯神

石膏

黃耆

紫苑

各一兩

大豆

三兩
去皮

炒

右為粗末每服五錢水二錢酒一合煎至一錢去滓

溫服恍惚者不用酒煎

增損茵芋酒 治半身不隨肌肉乾燥漸漸細瘦或時

瘡痛病名偏枯

茵芋葉

川烏

炮去皮尖

石楠葉

防風

川椒

炒出汗

女萎

附子

炮

北細辛

獨活

卷栢

肉桂

天雄

炮去皮

秦艽

防己

各一兩

躑躅花

炒

當歸

生

乾地黄

各二兩

芍藥

一兩

右咬咀酒二斗漬之冬七日夏三日春秋各五月初

服一合漸增之以知為度令酒氣相續

出指迷方

續斷湯 治偏枯少血

當歸

三兩

陳皮

芍藥

北細辛

各一兩

生乾地黄

二兩

右為粗末每服五錢水二錢煎至八分去滓溫服臍寒多利者入熟附子一兩和前藥

偏風口喎方論第九

凡五方

論曰偏風口喎者是體虛受風風入於夾口之筋也足陽明之筋上夾於口其筋偏虛風因虛而乘之使其筋

偏急不調故令口喎僻也

防風湯 治卒然口喎斜言語牽急四肢如故別無所

苦

防風

一兩半
活兩半
甘草一分

右為粗末每服五錢水二錢煎至一錢去滓入麝香

研一字溫服

治口眼喎斜

用蓖麻子七粒去皮殼細研作餅安在手心

右喎安左手左

喝安却用銅盂乘湯坐于藥上纔正即洗去

一方用巴豆不

用草麻
出本草

廣濟療風著口面喎斜語聲不轉方

生地黃汁升竹瀝升獨活

切三兩

右相和煎取一升頓服未正更進一劑

深師續命湯 療中風口僻噤諸疾卒死不知人補虛

起死神方

人參 防己 麻黃

去根節

芍藥

川芎

甘草

黃芩

白朮

各半兩

桂心

附子

炮

防風

各一兩

生薑

五兩

右切以水一斗二升煮取三升分為三服不差復作

忌海藻菰菜桃李生菜葱雀肉猪肉

又千金方

炒大豆三升令焦以酒三升淋取汁頓服 又方用

大皂莢五兩去皮子為末以三年大醋調如左喝塗

右右喝塗左乾更塗

婦人血風心神驚悸方論第十

夫婦人血風驚悸者是風乘於心故也心藏神為諸藏之主若血氣調和則心神安定若虛損則心神虛弱致風邪乘虛干之故驚而悸動不定也其驚悸不止則變恍惚而憂懼也

排風湯亦可用

茯神散 治婦人血風五臟大虛驚悸安神定志

茯神去人參

龍齒

研別獨活

酸棗仁

各一兩炒

防風

遠志

去心桂心

細辛

白朮

各三分

甘草

乾薑

各半
兩炮

右為粗末每服四錢水錢半煎至八分去滓溫服

龍齒圓 治婦人血風上攻心神恍惚驚悸眠卧不安

龍齒別研茯神各一兩朱砂研人參 當歸 天麻各

分犀角屑 檳榔 防風 生乾地黃各半兩遠志

去心赤箭各一分麝香錢一

右為細末煉蜜圓如梧桐子大每服二十圓薄荷溫

酒下

朱貢琥珀散 治婦人血風

琥珀

研沒藥研

木香

當歸

芍藥

白芷

羌

活 乾地黃

延胡索

川芎

各半兩

土瓜根

牡

丹皮

去心白朮

桂心

各一兩

右為末每服一錢水一錢煎至七分益酒三分再煎
少時熱服重者數服效

失血過多心神不安方第十一

寧志膏 治婦人因失血過多心神不安言語失常不

得睡

辰砂 研 酸棗仁

炒

人參

白茯苓

去琥珀各一分研

滴

乳

一錢研

右為末和停每服一錢濃煎燈心棗湯空心調下

方一

無茯苓琥珀蜜圓如彈子大薄荷湯化下一粒

婦人風邪顛狂方論第十二

夫婦人顛狂病者由血氣虛受風邪所為也人稟陰陽之氣而生而風邪入并於陰則為顛入并於陽則為狂

陰之與陽有虛有實隨其虛時為邪所并則發也顛者卒發意不樂直視仆地吐涎沫口喎目急手足撩戾無所覺知良久乃甦狂者少卧不饑自高賢也自辨智也自貴倨也妄笑好歌樂妄行不休故曰顛狂也

防風散 治婦人風邪顛狂或啼泣不止或歌笑無度或心神恐懼或言語失常

防風 茯神 獨活 人參 遠志 龍齒 菖

蒲 去毛石膏 牡蠣 秦艽 禹餘糧 桂心 各

各一兩

兩煨

半

兩甘草三蛇蛻一分炙

右為粗末每服三錢水瑣半煎七分去滓溫服

又一方

羚羊角屑三獨活遠志去心菖蒲去毛防風各半兩茯

神去木石膏麥門冬去心龍齒別研白蘚皮各一兩人參

生乾地黄各三分

右為粗末每服三錢水瑣半煎七分溫服無時

素問云陽厥狂怒飲以鐵落狂怒出於肝經肝屬木鐵落金也以金制木之意

愚曾治一女人眼見鬼物言語失常循衣直視衆醫多用心藥治之無效僕投養正丹二貼煎乳香湯送下以三生飲佐之立愈又一男子亦曾病此證亦用此藥收效然養正丹與百一方抱膽圓無異抱膽圓內中無硫黃有乳香也

自合方見效

婦人飛尸血厥方論第十三

夫飛尸者遊走皮膚穿藏府每發刺痛變作無常遁尸者附骨入肉攻鑿血脉每發不可得近見尸喪聞哀哭便發風尸者淫濯四肢不知痛之所在每發昏沉得風雪便作沉尸者纏骨結藏衝心脇每發絞切遇寒冷便

作注尸者舉身沉重精神錯雜常覺昏廢每節氣至變輒成大惡皆宜用此方

忍冬葉

剉數斛煮令濃取汁煎之

服如雞子大日三服

太一神精丹

出千金方

治中風之要藥治客忤霍亂腹痛脹

滿尸注惡風顛狂鬼語蠱毒妖魅癥瘕積聚溫瘧積久

百方不差但是一切惡毒無所不治但近世少得曾青

磁石為難合爾故不錄

蘇合香元亦治此疾方見和劑更不贅錄

雄朱散 治因喪驚憂悲哀煩惱感尸氣而成變動不
已似冷似熱風氣觸則發

雄黃

研

朱砂

研

苦梗

羌活

當歸

升麻

川

烏炮

龍齒

研別

犀角屑

白朮

芍藥

鬼箭羽

白殭蚕

炒

木香

虎頭骨

酥炙

紫蘇子

炒

川芎

南

星炮

山梔子

陳皮

莽草

枳殼

去穰
麩炒

黃芩

各一

分麻黃

半兩去
根節

蜈蚣

二條炙
去頭足

檳榔

二箇
金蝎

炒一分

右為細末每服二錢溫酒調下一日三服

人平居無疾苦忽如死人身不動搖默默不知人目閉不能開口噤不能言或微知人惡聞人聲但如眩冒移時方寤此由汗過多血少氣併於血陽獨上而不下氣壅塞而不行故身如死氣過血還陰陽復通故移時方寤名曰鬱冒亦名血厥婦人多有之宜服白薇湯倉公散

白薇湯方

白薇

當歸

各一兩

人參

半兩

甘草

一分

右咬咀每服五錢水二錢煎至一錢溫服

倉公散 治卒鬼擊鬼疰鬼刺心腹如刺下血便死不知人及卧魔啗脚趾不覺者并諸毒氣等疾

瓜蒂末

九齋衛生方無瓜蒂末有皂角末

梨蘆末 雄黃 研 礬石

煨研各等分

右為末研停用少許吹入鼻中得嚏氣通便活未嚏再吹以得嚏為度此藥能起死人恐皂莢者為正

白朮散 治中風身體麻痺不仁

白朮

炒

芍藥

藁本

去苗土
各一兩

續斷

去枯者

當歸

酒洗
焙各


二兩虎骨

酥炙

烏蛇肉

各半
兩

石為細末每服二錢匕溫酒調下藏寒多利者加附子半兩骨中煩熱者加生地黃一兩



婦人大全良方卷三

欽定四庫全書

子部

婦人大全良方卷四

詳校官八醫院醫官臣姜晟

編修臣倉聖脈覆勘

總校官原任中允臣王燕緒

校對官中書臣葉蘭

謄錄舉人臣張護

欽定四庫全書

婦人大全良方卷四

宋 陳自明 撰

婦人血風身體骨節疼痛方論第一 凡五方

夫婦人血風身體骨節疼痛者由體虛氣血不調為風冷所侵故也其狀風邪在於皮膚肌肉歷於骨節邪氣與正氣交擊故令疼痛也

芎藭散 治婦人血風身體骨節疼痛心膈壅滯少思

飲食

川芎

一兩

赤茯苓

赤芍藥

酸棗仁

炒桂心

當

歸

木香

川牛膝

各三分

羌活

枳殼

去穰
麩炒

甘草

各半兩

右為麤末每服三錢水一大盞薑三片煎至七分去

滓熱服無時候

羚羊角散 治血風身體疼痛手足無力心神壅悶

羚羊角屑

酸棗仁

炒

生乾地黄

檳榔

各一兩

五

加皮 防風 赤芍藥 當歸 骨碎補

炒去毛海

桐皮 川芎

各三分半 甘草

兩

右為末每服二錢溫酒調下

通靈圓 治男子婦人手足痛風不可忍者

白附子

殭蚕

各一兩半炒去絲

全蝎半兩炒

麝香

一字

右為末煉蜜元如梧子大每服七圓溫酒下一日三服

當歸沒藥圓 療婦人血風血氣腹脇刺痛筋攣骨

痺手足麻木皮膚瘙癢

當歸

五靈脂

各一兩炒沒藥半兩

右為末醋糊圓如梧桐子大每服三十圓生薑湯空

心下

大效虎骨散 治血風走注疼痛丈夫筋骨疼及打撲

傷損疼痛甚者

虎骨

酥炙敗龜

醋炙

當歸

桂心

地龍

去土

牛膝

漏

蘆 葳靈仙

玄胡索

自然銅

製

右各等分為末每服二錢熱酒調下每日一服

婦人血風白虎歷節走疰方論第二 凡七方

夫婦人體虛受風邪之氣隨血而行或淫易皮膚卒然
掣痛遊走無有常處故名為走疰也加減小續命湯主
之

漏蘆散 治婦人血風走疰疼痛無有常處

漏蘆 當歸

牛膝

各三分

桂心

地龍

去土

防風

羌活

白芷

沒藥

研

甜瓜子

各半兩

虎脰骨

酥炙

敗

龜

各一兩
醋炙

右為細末每服二錢熱酒調下無時候

四生圓 治血風骨節疼痛擡舉臂不起行履不得并
渾身麻痺

白殭蚕

炒去絲

地龍

去土

白附子

生

五靈脂

草烏

去皮

尖各
等分

右為末以米糊元如梧桐子大每服二十元茶酒任
下或作末酒調半錢亦可

麝香圓 治白虎歷節諸風疼痛遊走不定狀如蟲嚙
晝靜夜劇及一切手足不測疼痛

大八角川烏頭

三箇去皮尖生

生全蝎

二十箇

生黑豆

二十粒

生地龍

去土淨半兩

右為細末入麝香一字同研停糯米糊為元如綠豆
大每服七圓甚者十元夜卧令曷空溫酒吞下微出

冷汗一身便瘥

許學士云予得此方凡是歷節及不測疼痛一二服便瘥在歙川日有一

貴家婦人遍身走瘥疼痛至夜則發如虫嚙其肌多作鬼邪治予曰此正歷節病也三服愈

芍藥知母湯 治諸肢節疼痛身體魁癰脚腫如脫頭

眩短氣溫溫欲吐 三因方

桂心 知母

防風

各四兩

芍藥

甘草

麻黃

去根

節各三兩

附子

三兩炮

右咬咀每服四錢水一椀半生薑五片煎七分去滓
空心服一法有白朮川芎杏仁半夏

附子八物湯

治風歷節四肢疼痛如錐鍛不可忍

附子

乾薑

芍藥

茯苓

人參

甘草

桂

心各三白朮四兩

右咬咀每服四大錢水二錢煎七分去滓食前服一

方去桂用乾地黄二兩

獨活寄生湯最治歷節風近人用之甚效

見本卷第七論

小續命湯大治白虎歷節痛不可忍

方見第三卷

有一婦人先自

兩足踝骨痛不可忍次日流上於膝一二日流於髀骨甚流至於肩肩流於肘肘流於後溪或如鎚鍛或如虫齧痛不可忍晝靜夜劇服諸藥無效召僕診之六脉緊予曰此真歷節證也非解散之藥不能愈但用小續命湯一劑而愈又鄧安人夏月亦病歷節痛不可忍諸藥無效召僕診之人迎與心脉虛此因

中暑而得之合先服酒蒸黃連元衆醫莫
不笑用此藥服一貼即愈自後與人良驗

婦人血風癰瘰瘡方論第三 凡八方

局方治婦人時發遍身瘙痒或赤腫癰疹五心煩熱血
風攻症與人參荊芥散消風散四物湯加荊芥煎或人
參當歸散或逍遙散兼服導赤圓如不通者食後服皂
角元氣虛老人
不可久服如服皂角圓不退者此凝滯熱甚者宜
先服青木香圓三兩服以開氣道却服前藥即效
夫婦人體虛為風邪氣客於皮膚復逢風寒相折則起

風瘙癢癰若赤癰者由涼濕折于肌中之極熱結成
赤癰也得天熱則劇取冷則差白癰者由風氣折於肌
中肌中熱熱與風相搏所以為白癰也得天陰雨冷則
劇出風中亦劇得晴暖則減着衣暖亦差也脉當浮而
洪浮即為風洪即為氣風氣相搏則為癰癰身體為痒
凡人汗出不可露卧及浴素問云汗出見濕乃生痼痼使人身振寒
熱生風癰也

雷公炮炙序云遍體癰風酒調生側

何首烏散 治婦人血風皮膚瘙癢心神煩悶及血風
遊走不定並宜服之

何首烏 防風 白蒺藜 枳殼 天麻 僵蚕

胡麻 羌蔚子 蔓荊子

各等分

右為細末每服二錢煎茵陳湯調下無時候

附子酒 治痛風婦人血風身上瘙癢

出張氏方

生附子

不去皮重一兩一隻

皂角刺

二十箇

黑豆

一合

右三味細剉分為二處用好酒二瓶入上件藥慢火

煇候乾至半瓶却合作一處密縛泥頭經二宿每服一錢溫服無時候未效再服

治女人風痒癰癰不止

聖惠方

蒼耳花葉子

各等分

右為細末用豆淋酒調下二錢

治癰癰

白蜜

不以多少

好酒調下已試有效

治皮膚有風熱遍身生癰癰方

初虞世

牛蒡子

水煮一兩淨
熬乾炒令香

浮萍

蒸過焙
乾等分

右為細末每服二錢薄荷湯調下日二服

又治風氣客於皮膚搔之不已方

蟬蛻

洗

大葉薄荷

右等分為細末無時溫酒調下方寸匕

此一方
出本草

又方

露蜂房

洗過蜜蛇蛻
炙令焦等分

右為細末溫酒調下一錢日二三服

婦人虛風頭目眩暈及心眩方論第四 凡七方

夫婦人風眩是體虛受風風入於腦也諸臟腑之精皆上注於目其血氣與脉并上屬於腦也循脉引於目系目系急故令眩也其眩不止風邪甚者變成癰疾也養正丹 治虛風頭旋吐涎不已蓋此藥升降陰陽補接真氣非止頭旋而已

黑鉛 水銀 硫黃 研 朱砂 各一兩研

右用建瓚一隻火上鎔鉛成汁次下水銀用柳杖子

打停取下歇少時入二味打停候冷取下研為粉以糯米軟飯元如綠豆大每服三十元棗湯吞下空心食前日二服

鈎藤散 治肝厥頭暈清頭目 出本事方

鈎藤 陳皮 半夏 麥門冬 去心 茯苓 茯神

人參 去蘆 甘菊 花 防風 各半兩 甘草 一分 石膏 一兩

右咬咀每服四錢水一椀半生薑七片煎至八分去

滓熱服

素問云頭痛顛疾下虛上實過在足少陰巨陽甚則入腎狗蒙招搖目眩耳聾下實上虛

過在足少陽厥陰甚則在肝下虛者腎虛也故腎厥則頭痛上虛者肝虛也故肝虛則頭暈徇蒙者如以物蒙其首招搖不定目眩耳聾皆暈之狀故肝厥頭暈腎厥頭痛不同也

斗門方 治婦人血風攻腦頭旋悶絕忽死倒地不知人事者

喝起草 取其嫩心不以多少陰乾為末以常酒服一大錢已無時候其功大効服之多連腦蓋善通頂門

蔓荊子散 治婦人風眩頭目昏悶煩疼言語謇澁痰

逆不下飲食

蔓荊子 防風 羌活 川芎 羚羊角屑 枳

殼 前胡 石膏 赤茯苓 麻黃去根節 荊芥穗

各三分 北細辛 甘菊花 白芷 藁本 旋復花

甘草 各半兩

右為粗末每服四錢薑三片水一盞煎七分去滓溫

服無時候

四神散 治婦人血風眩暈頭痛 九齋衛生方

菊花 當歸 旋復花 荊芥穗

各等分

右為細末每服一錢水一盞葱白三寸茶末一錢煎至七分通口服良久去枕仰卧少時

川芎散 治風眩頭暈

龐安常方

小川芎 山藥 白茯苓 甘菊花

野菊不用人參各半

兩 山茱萸肉

一兩

右為細末無時候酒調二錢日三服

治女人頭旋即天動地轉名曰心眩非血風也

見普濟方

膽子礬一兩細研用胡餅齏子一箇拌停放版子上
按平一指厚以篦子勒成如骰子大塊不須界斷於
瓦上焙乾每服一骰子大為末煎燈心竹茹湯調下
婦人血風頭痛方論第五

腎厥頭痛附凡九方
厥逆頭痛

許叔微云婦人患頭風者十居其半每發必掉眩如在
車船上盖因血虛肝有風邪襲之爾予嘗處此方以授
人比他藥效而捷

川芎

一當歸
分三羌活

旋復花

華陰細辛
蔓

荊子 防風 石膏 藁本 荊芥穗 半夏麴

乾地黄

甘草

各半兩

右咬咀每服三錢水一錢薑三片煎至七分去滓溫服

七生元 治男子婦人八般頭風及一切頭痛痰厥腎厥飲厥傷寒傷風頭痛不可忍者並皆治療

徐明仲先生方

川烏 草烏 南星

三味並生去皮

半夏

冷水洗去滑

川芎

石膏

白芷

並生用等分

右為細末研韭菜自然汁圓如梧子大每服七圓加

至十圓嚼生葱茶送下

僕常療鄧安人頭痛如破服諸藥無效加此細辛等分全

蝎減半為負服二十粒即愈

芎辛湯 治狀如前但發熱者不可服

生附子

去皮

生烏頭

去皮尖

南星

乾薑

炮

北細辛

川芎

各一兩

甘草

三分

右咬咀每服四錢水二錢薑七片茶牙少許煎至六分去滓食前溫服中脘素有寒者不用茶牙

局方如聖餅子加北細辛如半夏數自合服之見効甚速若頭痛筋攣骨重少氣噦噫腹滿時驚不嗜卧欬嗽煩冤其脉舉之則弦按之石堅由腎氣不足而內著其氣逆而上行謂之腎厥頭痛宜玉真圓與硫黃圓

玉真圓方

石膏

煨研

半夏

洗為末各一兩

硫黃

二兩硝石

一分並研

右研令停生薑自然汁打糊圓如梧桐子大生薑湯

下三十圓

一方無半夏用天南星

硫黃圓 治頭痛不可忍或頭風年深暴患無所不治
服此除根

硝石

一兩 硫黃二兩

右研令極細滴水負如指頭大空心蠟茶清嚼下百
一方云中暑者以冰水服之下咽即洒然治傷冷以
艾湯下

若頭痛連齒時發時止連年不已此由風寒中於骨髓
留而不去腦為髓海故頭痛齒亦痛謂之厥逆頭痛宜

白附子散灸曲鬢穴此穴在耳上將耳掩前正尖上可灸七壯左痛灸左右痛灸右

白附子散方

麻黃

不去根節烏頭炮去皮

南星

炮各半兩

白附子

炮一兩

全蝎

炒五枝

辰砂

研一分

麝香

研一錢

白薑

炮一分

右為細末酒調一字服訖去枕卧少時

裕陵傳王荊公偏頭疼方云是禁中祕方用生蘆朮汁

即蘿

一蜺殼仰卧注鼻中左痛注左右痛注右或兩鼻

皆注亦可數十年患皆一注而愈東坡云荊公與僕言

已愈數人 此方自後晁將仕

明甫云

是有効

治頭風痛不可忍者

硝石 人中白 腦子

等分

石研令極細用一字搐入鼻中

項筋強痛方論第六

凡五方

此一卷論項筋拘攣強痛每得斯疾療之似易而實難然方冊中所載亦少縱有言之議論亦畧以僕考之然

既有斯疾必有是方何古人言此疾證尚且略又無的然之論詳之必是挾諸疾而生所以絕無專門予因暇日撫古名方以備檢閱然自明學識淺鄙未必全備博學之士見其遺缺儻能補而完之不亦宜乎咸淳元年上元日藥隱老人書于存心堂

夫頸項之處乃屬足太陽膀胱之經又許太學云是足少陰腎之經蓋腎與膀胱爲表裏故也以感外邪論之則有太陽經先因感風又感寒濕致令外證發熱惡寒

與傷寒相似頸項強急腰身反張如中風狀瘳癱口噤
其身體几几古人以強直為瘳其脉沉遲弦細新產血
虛多汗出喜中風亦有此證已上並載第三卷第二論
中言之甚詳不復贅錄 又有挫枕轉項不得者與三

五七散

方見和劑

追風散仍與急風散搽項上 若因被風

吹頭目昏眩太陽并腦俱痛項背筋脉拘急可與蝎附
散都梁真 許太學治項筋強痛不可轉側者以木瓜

煎

追風散 治年深日近偏正頭疼又治肝藏久虛血氣衰弱風毒之氣上攻頭痛頭眩目暈心忪煩熱百節酸疼腦昏目痛鼻塞聲重項背拘急皮膚瘙癢面上遊風狀若蟲行及一切頭風兼療婦人血風攻症頭目昏痛皆治之

川烏

炮去皮
臍尖

防風

去蘆

石膏

煨

川芎

甘草

炙

荆芥

穗

白殭蚕

炒去絲
各一兩

天南星

炮

羌活

天麻

地

龍

白附子

炮

全蝎

去尾
針

白芷

各半
兩

草烏

炮去皮
臍尖

沒藥

研

乳香

研

雄黃

研各

一分

右為細末每服半錢入好茶少許同調食後及臨卧服常服清頭目利咽聾消風化痰

急風散方

草烏頭

三兩一半燒存性於醋內蘸令冷餘一半生用

生黑豆

一分兩味一處為末

丹砂

一兩研

麝香

一分研

右為細末研令停酒調塗痛處

蝎附散 治一切風邪頭痛夾腦風氣痰涎壅盛嘔逆

惡心口吐清水暗風旋暈眼見黑花牙關緊急口眼喎
邪面目瞤動頭項拘急肩背引疼耳痒目昏四肢麻木
及沐頭浴出暴感風邪頭目昏痛兩太陽穴疼遠年頭
風經隔歲月乍差乍發服藥無效者並皆治之

附子

炮去
皮臍

川烏

炮去
皮尖

麻黃

去
節

殭蚕

炒

南星

防風

各三
錢

雄黃

朱砂

全蝎

各錢
半

白芷

藁本

右為細末每服半錢蔥茶調下食後服孕婦不可服
京城之醫用此藥兼嚼如聖餅子治眼生眵糞眦眦

不明羞明多淚見物不明有效

都梁實方

香白芷

擇大塊白色新潔者先以棕刷去塵土用沸湯泡洗四五次為細末煉蜜實

如彈子大每服一負多用荊芥點蠟茶細嚼下食後常服只乾嚼下亦可都無所忌此藥大治諸風眩暈婦人產前產後乍傷風邪頭目昏重及血風頭痛服之令人目明凡浴沐後服一二粒尤佳暴寒乍暖神思不清傷寒頭目昏暈並宜服之

木瓜煎方

宣木瓜

二箇取
蓋去穢

沒藥

二兩
研

乳香

一分
研

右二味內木瓜中用蓋子合了竹簽定之飯上蒸三

四次爛研成膏子每服三匙生地黄汁半錢無灰上

醞二錢和之用八分錢熟暖化膏子服

有人患此病
自午後發黃

昏時定予曰此患必先從足起經言十二經絡各有
筋惟足下少陰之筋自足至項大抵筋者肝之合也
日中至黃昏天之陽陽中之陰也又曰陽中之陰肺
也自離至兌陰旺陽弱之時故靈寶畢法云離至乾
腎氣絕而肝氣弱肝腎二藏受陰氣
故發於是時予授此方三服而愈

婦人腰痛方論第七 二方

夫腎主於腰女人腎臟繫於胞絡若腎氣虛弱外感六淫內傷七情皆致腰痛古方亦有五種之說如風腰痛宜小續命湯加桃仁杜仲煎服脾胃氣蔽及寒濕腰痛宜五積散加桃仁如虛損及五種腰痛者青蛾元神應元諸方並見和劑皆可用也如氣滯腰痛如神保負黑牽牛茴香橘核必有功也

如神湯 治男子婦人腰痛 陳總領方

延胡索

當歸

桂心

等分一方無當歸有杜仲

右為末溫酒調下二錢甚者不過數服

譚人膝珂云此方得之於

歙川祈門老鑿真是如神故以名之

獨活寄生湯夫腰痛者皆由腎氣虛弱卧冷濕地當風所得不時速治喜流入脚膝為偏枯冷痺緩弱疼重或腰痛拘攣脚重痺宜急服之

獨活

三兩

桑寄生

續斷

杜仲

北細辛

川牛

膝秦艽

茯苓

白芍藥

桂心

川芎

防

風人參 熟地黄 當歸 各二兩

右咬咀每服三錢水一錢煎至七分去滓溫服空心
氣虛下利除地黄并治新產腹痛不得轉動及腰脚
攣痛痺弱不得屈伸此藥最能除風消血肘後有附
子一枚無寄生人參當歸粉草近人將治歷節風脚
氣流注亦效

婦人腰脚疼痛方論第八

凡三方

夫腎主於腰脚女人腎藏繫於胞絡若勞傷腎氣虛弱

而風冷客於胞絡邪氣與真氣交爭故令腰脚疼痛也
酸棗仁散 治婦人血氣風虛腰脚疼痛頭目昏悶食
少無力

酸棗仁

炒

川牛膝

當歸

各三分

羌活

川芎

桂

心 防風

木香

海桐皮

杜仲

附子

炮

草

薛

川續斷

粉草

各半兩

石叟咀每服四錢水一盞半薑三片煎七分去滓溫
服

骨碎補散 治婦人血風氣攻腰脚疼痛腹脇拘急肢節不持

骨碎補炒 萆薢 川牛膝 桃仁 海桐皮 當

歸 桂心 檳榔各一兩 赤芍藥 附子 川芎各三

分 枳殼半兩

右為粗末每服三錢水一大盞薑三片棗一箇煎至七分去滓食前熱服

婦人脚氣方論第九 凡十一方

凡頭痛身熱肢節痛大便秘或嘔逆而脚屈弱者脚氣也輕者可與香蘇散加木瓜檳榔生薑煎服然後隨證治之要知有脚氣之人先從脚起或先緩弱疼痺或行起忽倒或兩脰腫滿或脚膝枯細或心中忪悸或小腹不仁

皮頑不知有無也

或舉體轉筋或見食嘔逆惡聞食氣或

胃滿氣急或遍體酸痛皆脚氣候

或之一字有無是也

黃帝所謂

緩風濕痺是也頑弱名緩風疼痛為濕痺寒中三陽所

患必冷小續命湯主之

煎成入生薑自然汁最

暑中三陰所患必

熱小續命湯去附子減桂一半主之大煩躁者紫雪最良若無紫雪以自合薄荷煎冷水調服極妙大便秘者脾約員麻仁員三和散主之

方並見和劑局方中

仍針灸為佳服

補藥與湯淋洗皆醫之大禁也

聖惠方婦人腳氣論

夫婦人腳氣與丈夫不同男子則腎臟虛弱為風濕所乘女子以胞絡氣虛為風毒所搏是以胞絡屬於腎也腎主於腰腳又肝脾腎三臟經絡起於十足指若臟腑

虛損則風邪先客於脚從下而上動於氣故名脚氣也
此皆由體虛或當風取涼或久坐卑濕或產後勞損或
恚怒傷肝心氣滯致令月候不通因其虛傷風毒搏於
肌骨則令皮膚不仁筋骨抽痛五緩不遂六急拘攣或
即冷痛或即腫滿或兩脚痺弱或舉體轉筋目眩心煩
見食即嘔精神昏憤肢節煩疼小便赤黃大便秘澀並
皆其證也其婦人脚氣治之與丈夫不同者以其氣血
不調懷胎難產崩傷之異是以褚澄療寡婦師尼與妻

妄殊別即其義也

凡婦人有腳氣疾者必無生育

牛膝散 治脚氣浮腫心神煩悶月候不通

川牛膝 羚羊角 檳榔 大黃炒 芒硝各一兩 防

己 桂心 牡丹皮 赤芍藥 甘草各三分 桃仁

五十粒製

右為粗末每服三大錢水一錢煎至七分去滓溫服
利下惡物為度亦要相其強弱用之

大腹皮散 治婦人風毒脚氣肢節煩疼心神壅悶

大腹皮 紫蘇 木通 桑白皮 羌活 荊芥

赤芍藥 青皮 木瓜 獨活

各一兩 枳殼二兩

右咬咀每服四錢水一盞薑五片葱白七寸煎至七分去滓空心溫服

半夏散 治婦人脚氣發動心腹脹滿飲食不下嘔逆不止

半夏 陳皮 人參 大腹皮 桂心

各三分

檳榔

一兩 赤茯苓 紫蘇

各兩半

右咬咀每服四錢水一錢半薑三片煎七分去滓溫服

犀角散 治婦人脚氣忽發衝心悶亂四肢煩疼有熱者

犀角屑 木香 各半兩 紫蘇 赤茯苓 檳榔 各一兩

赤芍藥 紅花 各三分 紅雪 一兩半

右咬咀每服四錢水一錢煎至七分去滓溫服

木香散 治婦人脚氣卒發衝心悶亂

木香

兩半

郁李仁

赤芍藥

大腹皮

紫雪

兩各一

桑白皮

桂心

檳榔

茯苓

各三分

右咬咀每服三錢水一錢薑三片煎至七分去滓溫

服

治婦人脚氣衝心悶亂不識人宜服此藥

紫蘇

松節

各二兩

吳茱萸

半兩

檳榔

乾木瓜

各一兩

陳皮

三分

右咬咀每服四錢水一錢煎至一半入童子小便二

合再煎三沸溫服

紫蘇散 治婦人風毒脚氣腹內壅塞痰惡不思飲食

脚重虛腫

紫蘇

莖葉

木通

桑白皮

茴香根

各一兩

枳殼

二兩

活

獨活

荊芥穗

木瓜

青皮

甘草

各半兩

大腹子

十箇

右咬咀每服三錢水一盞薑三片葱白一莖煎至七

分去滓溫服

桑白皮散 治婦人脚氣盛發兩脚浮腫小便赤澁腹
脇脹滿氣急坐卧不得

桑白皮

郁李仁

各一兩

赤茯苓

二兩木香

防已

大腹皮

各半兩

紫蘇子

木通

檳榔

青皮

各三分

右咬咀每服三錢水一錢薑三片煎至七分去滓溫
服

薏苡仁散 治婦人脚氣緩弱及頑痺腫滿心下急大
便澁

薏苡仁 防風 猪苓 川芎 防己 檳榔

郁李仁 大麻仁 各一兩 桑白皮 二兩 枳實 三分 甘草 半兩

羚羊角屑 一兩

右為散每服三錢水一盞煎至七分去滓放溫服

四白散 治男子婦人血虛發熱夜多盜汗不進飲食
四肢羸瘦骨立拘攣脚痛不能行

黃耆 厚朴 益智仁 藿香 白朮 白扁豆

陳皮 各一兩 半夏 白茯苓 人參 白豆蔻仁

天台烏藥

甘草

各半兩

京南芍藥

兩半

檀香

沉

香

各一分

右為細末每服三錢水一盞薑三片棗子一箇煎至七分溫服

自後諸證退只有脚攣痛不能行以蒼朮元治之效此藥大治乾濕脚氣筋脉拘攣疼痛不能行履兼補下部蒼朮元方

乳香

沒藥

各二錢別研

川牛膝

青鹽

各半兩研

熟艾

四錢

川烏三錢全蝎一錢
炒

右除研藥為細末入研藥令停以木瓜一箇大者切
一頭留作蓋去穰入上件藥於木瓜內將蓋簽定安
木瓜於黑豆中蒸令極爛取出去皮連藥研成膏却
入生蒼朮末拌令得所真如梧桐子大每服五十真
空心用木瓜湯下或溫鹽酒亦得一日三服忌血與
蒜乙巳年羅安人病發熱自汗心煩身體骨立足痛
拘攣不能屈伸飲食不進雖老醫亦不能療召僕
治之六脉弦弱僕曰雖脉似勞實非勞也似脚氣而
非正脚氣但當調脾生血其熱必退然後攻足則可

望安遍尋諸方皆無對證之藥遂處四白散子與服
不半劑熱退能食又處蒼朮負繩之筋脉伸足能行
而愈

大便祕者可與七宣員神功員七聖檳榔員三和散服

之効

諸方並見
和劑方

婦人大全良方卷四

欽定四庫全書

子部

婦人大全良方卷三

詳校官太醫院醫官_臣姜晟

編修_臣倉聖脈覆勘

總校官原任中允_臣王燕緒

校對官中書_臣葉蘭

謄錄舉人_臣張護

欽定四庫全書

婦人大全良方卷二

宋 陳自明 撰

衆疾門

經脉不調衆疾生焉故以次之

極一方總論第一

夫天地造端於夫婦乾坤配合於陰陽雖清濁動靜之不同而成象效法之有類原茲婦人之病與男子不同者亦有數焉古方以婦人病比男子十倍難治不亦言

之深乎但三十六病產蓐一門男子無之其餘外傷風暑寒濕內積喜怒憂思飲食房勞虛實寒熱悉與丈夫一同也依源治療可得而知之

產寶方論第二

古書治婦人別著方論者以其胎妊生產崩傷之異况婦人之病比之男子十倍難療盖女子嗜慾多於丈夫感病倍於男子加之慈戀愛憎嫉妬憂恚染著堅牢情不自抑所以為病根深治之難差况懷胎妊娠而挾病

也不特避其毒藥仍須審其虛實冷熱而調治之無使妄投湯劑以致夭枉

博濟方論第三

夫人將攝順理則血氣調和風寒暑濕不能為害若勞傷血氣則風冷乘虛而干之或作之於經絡或循入於腹中內受風邪脾胃虛弱故不能消於飲食也食既不充榮衛凝滯肌膚黃燥面不光澤若大腸氣虛則變為下利若流入關元致絕子嗣隨其所傷而變成疾醫經

曰凡婦人三十六種病皆由于臟冷熱勞損而挾帶下起於胞內也是故衝任之脉為十二經之會海婦人之病皆見手少陰太陽之經而候之

寇宗奭論第四

治婦人雖有別料然亦有不能盡聖人之法者今豪足之家居奧室之中處帷幔之內復以帛幪手臂既不能行望色之神又不能彈切脉之巧四者有二闕焉黃帝有言曰凡治病察其形氣色澤形氣相得謂之可治色

澤已淳謂之易已形氣相失謂之難治色夭不澤謂之難已又曰診病之道觀人勇怯骨肉皮膚能知其情以爲診法若患人脉病不相應既不得見其形醫人止據脉供藥其可得乎如此言之烏能盡其術也此醫家之通患世不能革醫者不免盡理質問病家見所問繁遂謂醫業不精往往得藥不肯服似此甚多扁鵲見齊侯之色尚不肯信況其不得見者乎嗚呼可謂難也已

通用方序論第五

夫通用方者蓋產前產後皆可用也或一方而治數十證不可入於專門皆是名賢所處世之常用有效之方雖曰通用亦不可刻舟求劍按圖索驥而膠柱者也

加減四物湯 治婦人經病或先或後或多或少疼痛不一腰足腹中痛或崩中漏下或半產惡露多或停留不出妊娠腹痛下血胎不安產後塊不散或亡血過多或惡露不下服之如神 張聲道云此方治婦人百疾只是四物湯加茺萸煎服若陽臟少使茺萸若陰臟多

使茱萸吳興周端仁郎中頃赴省試照矚一鄰案出場云某本醫家凡婦人百病只是四物湯加茱萸無不效者謹以此為報

徐明仲方加香附子

當歸

白芍藥

川芎

陸氏云川芎減半

生乾地黃

洗焙養生

必用方熟者和劑亦然本草云男子宜熟者女子宜生者合用生者為是

右等分為粗末每服四錢水一盞半煎至八分去滓取六分清者帶熱服食前若平常血氣不調及常服只用本方日二三服治經血凝滯腹內血氣作

疼加義茂官桂等分用之

王碩膚云熟地黃滯血安能止痛不若用五味子代

之如因產後欲推陳致新補血海治諸疾加生薑煎

若胎動不安下血每服加艾葉五七片更加蔥白

阿膠末減四味之半當歸用小半如疾勢甚者以四

味各半兩細剉以水四盞熟艾一塊如雞子大阿膠

五七片煎至二盞半去滓分作四服一日令盡

一方有粉

草乾薑黃耆

日二三服至二鬴

以一七日為一鬴

以前產後每日

可一二服

如氣虛弱血海不調服一月不妨如

產後被驚氣滯種種積滯敗血一月內惡物微少敗
血作病或脹或疼胸膈脹悶或發寒熱四肢疼痛加
延胡索沒藥香白芷與四物等分為細末淡醋湯或
童子小便酒調下 如血風於產後乘虛發作或產
後傷風頭痛發熱百骨節痛加荊芥穗天麻香附子
石膏藿香各一分四物料共一兩中加之每服三錢
水一盞煎七分服 如虛熱心煩與血相搏口舌乾
渴欲飲水者加栝樓根一兩麥門冬去心三分 如腹

刺痛惡物不下加當歸芍藥一分 如血崩不止加
熟地黃蒲黃各一兩 嘔逆加白朮人參各半兩
如寒熱往來加炮了乾薑牡丹皮各一分 因熱生
風加川芎一分柴胡半兩 腹脹加厚朴枳實各一
分 身熱脉數頭昏項強加柴胡黃芩各半兩 如
臟腑滑泄加桂心附子炮熟各一分 若虛煩不睡加
竹葉人參各一分 煩躁引飲頭痛大渴加知母石
膏各半兩若水停心下微吐逆加朮猪苓防己各三

分同煎 若平常些少虛眩肢體瘦倦月信不調只

用生薑薄荷如常煎服

此是婦人常服之藥蓋味寡而性緩效遲而功深

一

方治婦人血虛心腹疼痛不可忍者去地黃加乾薑名四神湯 治老人風秘加青皮等分煎服 一方

治小便澀大便秘加大黃桃仁去皮尖炒黃臍半煎

一方治血痢不止加阿膠艾葉煎

陳氏方治痢疾腹痛難忍以此

名六物湯

一方治婦人腹痛作聲經脉不快加熟地黃一

倍添桂心半倍煎治瘡疾加荊芥酒煎常服 一方

添柴胡名五神湯柴胡大能補虛退虛熱 一方以
四物湯共四兩為細末煉蜜為圓如梧桐子大空心
米飲下三四十圓以療年高婦人白帶又良驗也請
詳用之 一方四物湯共四兩加甘草半兩細末煉
蜜為圓每兩作八圓酒醋共半盞溫湯同化調停下
名當歸煎去敗血生好血如人行五里再進一圓無
時候用生地黃為正此藥不知起於何代或云始自魏華佗
按巢氏云佗之術精微方類單省傳稱佗術鍼灸不

過數處千金方云自三代以來醫方論藥未有如此
詳備者其間有漢晉名公諸方今產寶方乃朱梁時
節度巡官咎膺所撰其中有四物散國朝太平興國
中修入聖惠方者數方自後醫者易散為湯雖無傑
特之功但善用者若馭良馬以意驅策之則隨意無
所不至自可珍也自皇朝以來名醫於此四物中
增損品味隨意虛實寒燠無不得其效者然亦非
止婦人之疾可用而已

懷妊產前後加減良方

川芎

洗

當歸

桂心

不見火

白芍藥

洗

右四味各為細末取淨一兩各隨病證加減用

產前初覺胎動川芎芍藥各半錢米飲下 臨產腹

痛甚川芎芍藥當歸各半錢桂末一錢

溫酒下扶產婦運行

產

後惡露未快川芎當歸各半錢童子小便調下仍時

時打醋炭令香不絕則血脉自收安樂無病切不可

妄投藥恐逐血過多則心虛氣劣三日內只服當歸

川芎末各一錢童便調下日三服三日後只服四順
理中圓空心童子小便吞下 七日內補虛當歸川
芎末各一錢童子小便或米飲調下 七日外方可
服補藥補得太早則留住惡血 纔平善四味各半
錢童便調下 產後頭昏目暈川芎芍藥當歸末各
半錢童子小便調下未滿月已滿月四味各半錢水
一盞煎至八分溫服 腹痛當歸末一錢桂心末半
錢童子小便調下心胃煩悶當歸芍藥各一錢童子

小便調下 惡露過多桂心芍藥當歸各一錢童子

小便調下 大便冷用理中圓水一盞煎八分溫服

佛手散 治產前產後腹痛體熱頭疼及諸疾纔產了

未進別物即先服此藥能除諸疾逐敗血生新血

川芎二兩 川當歸三兩

右為細末每服二錢水一盞酒二分煎七分溫服

一方為粗末每服四錢水七分酒三分同煎至七分

熱服將產前先安排此藥將兩服藥末煎之產了速

進之三日内日二服三日外日一服 一方名芎歸
湯只是此二味等分咬咀水煎專治失血傷胎去血
產後去血崩中去血金瘡去血拔牙去血不止及一
切去血過多心煩眩暈悶絕不省人事頭重目暗舉
頭欲倒悲能治之若產後眩暈宜加芍藥服之 一
名桂香散治產後腹疼不可忍者加桂心等分酒與
童子小便合煎服之立效 一名當歸湯治妊娠子
死或未死胎動不安每服用酒水合煎連進數服胎

若已死服之便下若未死其胎即安此經累效萬不失一 一名琥珀散臨月服之則縮胎易產兼治產後諸疾 一名羊肉湯治虛損羸乏腹中疔痛往來寒熱吸吸少氣不能支持頭眩自汗腹內拘急每服用精羊肉一兩薑十片水二盞煎至六分溫服 一名君臣散治婦人室女心腹疔痛經脉不調用水煎服若妊婦胎氣不安產後諸疾加酒煎服 一名芎當散治婦人血氣上喘下腫二味等分為細末每服

二錢空心煎艾湯調下 又治產後損身血衝心及
腹脹氣絕者神驗 難生倒橫子死腹中先用黑豆
一大合炒熟水一盞入童子小便一盞藥末四錢煎
至一盞以上分為二服未效再作 產後惡血注心
迷悶喘急腹痛依前用黑豆加生薑自然汁半合煎
服 又此藥兼治臟毒每服一錢半入炒槐花末半
錢水一盞煎至六分無時候服三日取下血塊即愈
如產後頭痛加荊芥煎 如吐血亦宜服

論丹參散主治

出明理方論

四物湯婦人多用者以其不問產前產後經水多少皆可通用惟丹參散一味其主治頗相類何者以其能破宿血補新血安生胎落死胎止崩中帶下調經脉大類當歸地黃芍藥川芎也

丹參散 治婦人經脉不調或前或後或多或少產前胎不安產後惡血不下並治之兼治冷熱勞暖脊痛骨節煩疼

丹參

不以多少
去土切

右為細末每服二錢溫酒調下經脉不調食前服冷熱勞無時候服

勝金圓

一方名不換金圓治婦人諸虛不足
心腹疼痛 一名勝金丹有沉香

治婦人久

虛無子產前產後一切病患兼療男子下虛無力此藥能安胎催生妊娠臨月服五七圓產時減痛婦人無子是子宮冷如服二十圓男女自至又治積年血風脚手麻痺半身不遂赤白帶下血如山崩及治產後腹中結

痛吐逆心痛子死腹中遶臍痛氣滿煩悶失蓋汗不出
月水不通四肢浮腫無力血勞虛勞小便不禁中風不
語口禁產後痢疾消渴眼前見鬼迷運敗血上衝寒熱
頭痛面色痿黃淋瀝諸疾血下無度血痢不止飲食無
味產後傷寒虛煩勞悶產後血癖產後羸瘦凡婦人衆
疾不論年月日深並皆治之

白芍藥

藁本

石脂

赤白皆可

川芎

不見火

牡丹皮

當歸

白茯苓

人參

白薇

白芷

桂心

延胡索 白朮 沒藥

甘草

炙 沒藥 甘草減半 江西安撫司

右十五味等分為細末煉蜜為圓如彈子大每服一圓溫酒化下初產了並用熱醋湯下空心食前此方係王承宣臺祖傳渠家凡婦人懷身便服此藥甚神妙常服尤好係在京師於能家傳到

金釵煎 專治婦人諸疾產前產後風虛痼冷手足癢痺豆淋酒化下血風頭痛產後中風荊芥酒化下產前產後痰涎咳嗽桑白皮湯下經脉不調或前或後或多

或少血氣攻刺腰脇重痛溫酒化下經脉不通產後血
喘蘇木人參煎湯化下血崩不止赤白帶下側柏燒灰
調酒下妊娘將理失宜或因驚動痛極妨悶漏胎下血
膠艾煎湯化下臨產艱難乳香研酒化下子死腹中胎
衣不下用朴消三錢重研細童便和酒化下產後勞倦
傷敗血氣如瘡寒熱遍身疼痛喘嗽盜汗地黃烏梅煎
湯化下產後敗血浮腫薑汁少許和酒半盞化下產前
服之則安胎臨產亦易產產後則逐去惡血不生諸疾

用童便和酒化下常服活血駐顏大暖血海升降陰陽
滋養榮衛或子宮久冷多病少子能久服之見效立致
忌生冷油膩魚腥猪母白猪一切毒物

當歸 白芍藥 川芎 石斛酒炒 香附子炒 糯米

各二兩炒 降真香細剉 熟地黄各四兩 秦艽 貝母去心 羌活

桂心 粉草 乾薑炮 北細辛 牡丹皮 大

豆卷炒 茴香炒 枳殼去穰炒 延胡索 白芷各一人

參 木香 石膏 煨沉香 黃芩各半 川椒三分 交

加修製
八兩

右為細末煉蜜為圓每兩作七圓依前服餌常服溫

酒化下
檀峯晚公方

交加散 治產前後百病治婦人榮衛不通經脉不調

腹中撮痛氣多血少結聚為瘕產後中風尤妙

生地黄
一斤研取自然汁 生薑
十二兩研取自然汁

右將地黄汁炒生薑滓薑汁炒地黄滓各稍乾焙為細末每服三錢溫酒調下尋常腹痛亦宜服產後尤

不可缺

交加散 治榮衛不和月經湛濁大能滋養血絡逐散惡血臍腹撮痛腰腿重墜血經諸疾並皆治之

生薑

十二兩

生地黄

一斤

二味製度如前法

白芍藥

延胡索

醋紙裏煨令熟用布揉去皮

當歸

桂心

各一兩

紅花

炒无惡血不用 沒

藥

別研各半兩

蒲黃

一兩隔紙炒

右為細末每服二錢溫酒調下如月經不依常蘇木煎酒調下若腰疼用糖毬子煎酒調下無時候

玉露通真圖

治婦人諸疾

出經驗婦人方

半夏

薑汁製炒

人參

各半兩

食茱萸

醋炒

製厚朴

各兩一分

澤蘭

葉

二兩半

甘草

蟬蛻

炒

白芍藥

石膏

蠶蛻

炒用

如無以蚕繭紙三張代

白朮

當歸

羌活

熟地黃

洗焙

白

茯苓

各二兩

防風

乾薑

栢子仁

蒼朮

白薇

木香

黃耆

川牛膝

附子

白蕪荑

與蟬蛻同

白

薇

炒然此方無蟬蛻想馬鳴蛻是也

川芎

藁本

各一兩

川椒

苦梗

各三兩

白芷

一兩半

右為細末煉蜜為圓每九錢重分作十圓切記煉蜜
無令太過及生 男子婦人諸虛不足狀如勞疾黃
耆煎酒下 血氣痛燒秤鎚淬酒下 產前安胎用
醋湯下 產後諸疾用酒或鹽湯下 產前產後瀉
用米飲送下 男子婦人牙疼用半圓揩疼處良久
鹽湯嚥下 產前產後血悶用童子小便送下 經
脉不調用紅花煎酒送下 產後風毒生瘡疥荊芥
茶下 冷疾翻胃醋心乾嚼下 婦人子宮久冷崩

漏赤白帶下用童子小便米醋好酒一處煖熱下

補中圓常服

川芎 白芍藥 黃耆 當歸 人參 陳皮

各半

兩 白朮 地黃

各一兩

右為末煉蜜圓如梧子大每服五七十圓溫水下

二聖散產前服之則安胎產後惡血不盡胎衣不下方

川芎 羌活

二味等分

右為細末每服二大錢水七分盞酒少許煎七沸溫

服

二聖大寶琥珀散

生地黄

一斤生薑

一斤二味修製
如前交加散

當歸

川芎

牡

丹皮

芍藥

義茂

蒲黃

香白芷

羌活

味八

各桂心

不見火

熟地黄炒

石十味各一兩同前二味為細末於甕合內收之湯

使于後 婦人冷氣痛并血海不調膈氣炒薑酒下

二錢 產後胞衣不下暖酒調下二錢 產婦臨月

日進三服則滑胎易產溫酒調二錢 產後血犯心
眼見鬼神用童便半觔酒半盞同煎調二錢 婦人
久服則顏色紅白無血來相攻一生無子者久服則
有孕 此藥治療婦人百病空心日午食前日二服
產後百病並暖酒調下

朱翰林白朮煎 治婦人胎前產後血氣諸疾

出明理方論

木香

半分炮

三稜

莪茂

白朮

各一兩

枳殼

去穰麩炒黃

白茯苓

當歸

延胡索

人參

熟地黃

洗牡

丹皮 粉草

各半兩

右為末米糊圓如梧桐子大每服十五圓至二十圓
常服溫酒吞下湯使于后 胎前渾身并脚手痛炒

薑酒下 胎前腹內疼并安胎紫草煎酒下 胎前

嘔逆吐食糯米飲下 胎前飲食不得渾身倦怠豆

淋酒下 胎前渾身發熱甘草湯下 胎前咳嗽煨

薑鹽湯下 胎前頭痛煨葱茶下 胎前產後瀉紫

蘇薑酒下 催生胎衣不下嚼葱白三寸煖酒下

產後赤白痢乾薑甘草湯下 產後下血不止燒紗

帽灰一錢調酒下

無燒漆亦可

產後渾身虛腫陳皮去白

焙乾浸酒下

頭疼薄荷茶下

常服飯飲下

赤

白帶下燒棕櫚灰三錢調酒下

久年血氣成塊築

心痛溫酒下炒薑酒下及良薑浸酒下皆可

婦人

室女經脉不通煎紅花蘓木酒下

經脉不調或前

或後或多或少煎當歸酒下

大小便秘結燈心煎

湯下

乳汁不行苦蘓煮猪蹄羹下

產後腰疼煎

芍藥酒下

沉香琥珀煎 益榮衛滋氣血經脉不調心忪倦乏腰
膝疼痛赤白帶下五心煩熱面無顏色血海久冷胎孕
不固增寒壯熱婦人諸疾並能治之

沉香 琥珀

別研附子

炮川芎

肉桂

五味子

石斛

去根切酒蒸炒

辰砂

研

阿膠

各半兩

沒藥

研

續斷

蓰

蓉

酒洗

人參

當歸

牛膝

各三分

木香

地黃

各一兩

右為末蜜圓如梧桐子大每服四十圓空心酒吞下

日午再服

滋血湯

滋養榮血補婦人諸虛治血海久冷

二方並出胡氏方

當歸

川芎

芍藥

人參

麥門冬

牡丹皮

阿膠

各二兩

琥珀

三分別研

酸棗仁

炒粉草

桂心

各一

兩

半夏麴

一兩半

右為粗末每服三大錢水一盞薑三片煎七分去滓

溫服一日三服

烏雞煎圓

治婦人百病

出三因方

吳茱萸 良薑 白薑 當歸 芍藥 延胡索

炒 椒 炒 陳皮 青皮 劉寄奴 生地黃 莪朮

川芎 各一兩 荷葉灰 四兩 北艾 二兩 破故紙 炒一兩

右為細末醋煮麴糊元如梧子大每服四五十圓

月水不通紅花蘓木酒下 白帶牡蠣粉酒下 子

宮久冷白茯苓煎湯下 赤帶建茶清下 血崩豆

淋酒調綿灰下 胎不安蜜和酒下 腸風陳米飲

調百草霜下 心疼菖蒲煎酒下 漏胎下血烏梅

溫酒下 耳聾醵茶煎湯下 胎死不動斑猫三箇

煎酒下 腰脚痛當歸酒下 胞衣不下芸臺研水

下 頭風薄荷茶下 血風眼黑豆粉草湯下 生

瘡生地黃湯下 身體疼痛黃耆末調酒下 四肢

浮腫麝香湯下 咳嗽喘滿桑白皮湯下 腹痛芍

藥末調酒下 產前產後白痢乾薑湯下 赤者甘草

湯雜者二宜湯常服溫酒醋湯任下並空心食前服

婦人大全良方卷二

欽定四庫全書

婦人大全良方卷三

宋 陳自明 撰

此一卷論中風角弓反張風痺手足不隨偏枯口噤口
眼喎斜風眩頭痛血風心神驚悸癲狂骨節痛風血風
走注瘙癢癰疹風痰脚氣腰痛諸疾已上諸症雖各有
方論亦要先明其大體察脉之虛實辨證之冷熱相人
之強弱入臟入腑在絡在經首以局方調治未要猛浪

用藥令之治法先宜順氣然後治風萬不失一盖有中風中寒中暈中痰中氣皆能令人涎潮昏塞所謂朱紫相凌玉石不分醫者不可不詳而究之如中風若作中氣治之十愈八九中氣若作中風治之十無一生所以疑惑之間不問中風中氣首以蘓合香圓麝香煎五積散如中痰則有參蘓飲如中寒則有理中湯如中暈則有白虎湯如的然見得是中風如三生飲木香煮散排風續命風引大小竹瀝大八風湯至寶丹牛黃清心圓

辨其冷熱虛實而投之未有不妥者也然此疾積襲之
久非一日所能致令人服藥三五服便責無效其責醫
者亦速矣正宜大劑久服方有其效孟子曰七年之病
求三年之艾也

婦人中風方論第一

夫中風者虛風中於人也風是四時八方之氣常以冬
至之日自坎而起候其八方之風從其鄉來者主長養
萬物若不從其鄉來者名為虛風賊害萬物入體虛者

則中之當時雖不即發停在肌膚後或重傷於風前後
重沓因體虛則發入臟腑俞俞皆在背中風多從俞入
隨所中之俞而乃發病婦人血氣虛損故令中風也當
察口眼開闔以別重輕涎沫有無以明證治如眼開口
閉手足不開涎不作聲者可治如眼閉口開聲如鼾睡
遺尿者死

至寶丹 藟合香圓

五積散

加麝香煎

牛黃清心圓

見和

劑大八風湯

方見偏枯第七篇

排風湯 治男子婦人風虛濕冷邪氣入藏狂言妄語
精神錯亂及風入五藏等證詳見和劑方

白鮮皮 白朮 白芍藥 桂心 川芎 當歸

防風 杏仁去皮尖
麩炒 甘草各二兩 白茯苓 麻黃

去節獨活各三兩

右咬咀每服三錢水一盞半生薑四片煎至八分去

滓溫服無時候

癸丑春有一婦人年四十四五其證
說話氣短足弱行得數步則口若含

霜七十日內三次經行遇行則口冷頭目眩暈足冷
則透心冷痛每行則口中冷氣不相續有時鼻中熱

面赤翕然而熱身體不仁不能行步手足不隨不能
俛仰冷痺骨疼有時悲傷夢與前夫相隨則上氣奄
然而極心驚志意不定恍惚多忘却能食如此僅一
年許醫者投熱藥則面翕然而熱氣滿胃中咽中窒
塞悶絕投冷藥則瀉又一醫者以十全湯服之則發
煩躁心驚而跳一醫者以雙和湯服之覺得面上與
腹中甚如火燂心愈驚欲吐不吐大府秘裏急後重
求僕診之六脉弦緩喜見於春此是可治之疾未供
藥間忽然吐瀉瀉後覺肛門如火雖瀉六次却不多
僕一時識證未盡且與俞山人降氣湯八服次日診
之脉差有力云服藥之後覺鼻中熱心煩悶絕齒噤
與參蘄飲八服黃連圓一兩許越三日云服藥之後
其疾如故與茯苓補心湯服之皆無效僕以脉證詳
之只有排風湯甚對此證或曰何以見得是此證一
能食飲此風飢也二十日三次經行此是榮經有
風血得風散也三頭目眩暈此肝風也四面赤翕然

而熱悲傷此心風也五身體不仁不能行步夢與前
夫相隨此脾風也六手足不隨腰痛難以後仰冷痺
骨疼此腎風也諸有此候令人心驚志意不定恍惚
多忘真排風湯證也或曰風脉當浮今脉弦緩微弱
恐非風也答曰風無一定之脉大抵此證虛極生風
然排風湯所用之藥有十全大補湯料亦有平補之
意却不僭燥供十服越三日云服之有效脉亦差勝
只是心中如烟生似有微熱大便尚秘此真是風證
再與排風湯十服兼牛黃清心圓皂角圓助之越三
日云服前藥一二日大煩躁與熱諸證悉除只是足
弱不能支持脉亦弱與秘傳降氣湯十服又越三日
云諸證悲退只是夢裏虛驚大便滑泄如食傷相似
奏厠頻數脉尚弱與五積散數服加人參益煎兼感
應元即愈自後云皆無恙矣但上重而頭眩不能久
立久坐再與排風湯則脫然安矣以此
方知要依古法不可杜撰臆度處方

三生散 治卒中昏不知人口眼喎斜半身不遂咽喉作聲痰氣上壅無問外感風寒內傷喜怒或六脉沉伏或指下浮盛並宜服之兼治痰厥飲厥及氣虛眩暈悲有神效

生南星

兩

生烏頭

去皮尖

生附子

各半兩去皮

木香

一分

右咬咀每服半兩水二大盞生薑十片煎至六分去滓溫服或口噤不省人事者用北細辛皂角各少許為細末或只用半夏為細末用少許以蘆管吹入鼻

中俟噴嚏其人少甦然後進藥如氣盛人只用南星
五錢重木香一錢加生薑十四片煎作兩服飲之名
星香飲

參蘇飲 治痰飲停積胃中中脘閉塞嘔吐痰涎眩暈
嘈煩忪悸噦逆及痰氣中人停留關節手足躄曳口眼
喎斜半身不遂食已即嘔頭疼發熱狀如傷寒

人參 紫蘇葉 半夏 茯苓 乾葛 前胡 各

分 甘草 木香 陳皮 枳殼 製 苦梗 各半

兩

右呖咀每服四錢水一錢半薑七片棗一枚煎七分
去滓空心溫服腹痛加芍藥

木香煮散 治左癱右瘓并素有風濕諸藥不效常服

調氣進食寬中

蘇沈良方
言之甚詳

羌活 麻黃

去節各一兩

防風 白朮

陳皮 黑附

子炮

南木香

檳榔

牛膝

大川烏

炮

草豆蔻

連皮煨

杏仁

去皮尖
麤炒

人參

白茯苓

川芎

當歸

甘草

桂心

各半兩

右咬咀每服四錢重水一大瓊半生薑五片煎至八分去滓熱服大便不通加大黃心腹脹加苦葶藶滑石隔上壅滯咳嗽氣促加半夏川升麻天門冬知母繆安人年六十五六忽然中風不省人事無汗有痰已辨後事衆醫以為不可治也召僕診之六脉浮緩脾脉溢關此真風脉也先投參蘓飲六服先寬氣下痰次以木香煑散而愈又享十年之壽

附子理中湯 治五臟中寒口噤四肢強直失音不語昔有武士守邊大雪出帳外觀瞻忽然暈倒時林繼作隨行醫官灌以此藥兩劑遂醒

大附子

炮

人參

去蘆

乾薑

炮

甘草

炙

白朮

等分

右細剉每服四錢重水一瓊半煎七分去滓不以時

候服口噤幹開灌之

開慶己未年七月間裕齋馬觀文夫人曹氏病氣弱倦怠四肢

厥冷惡寒自汗不進飲食一醫作伏暑治之投暑藥一醫作虛寒治之投熱藥無效名僕診之六脉雖弱而兩關差甚裕齋問曰此何證也僕荅曰以脉觀之六部雖弱而關獨甚此中焦寒也中焦者脾也脾胃既寒非特但有是證必有腹痛吐瀉之證今四肢厥冷四肢屬脾是脾胃虛冷無可疑者荅云未見有腹痛吐瀉之證合用何藥治之僕荅曰宜用附子理中湯未服藥間旋即腹痛而瀉莫不神之即治此藥一差投而

加減小續命湯 治卒暴中風不省人事漸覺半身不遂口眼喎斜手足戰掉語言蹇澁肢體麻痺神情昏亂頭目眩重痰涎併多筋脉拘攣不能屈伸骨節煩疼不得轉側及治諸風服之皆驗若治脚氣緩弱久服得差久病風人每遇天色陰晦節候變更宜預服之以防瘡瘰

麻黃

去根節

防己

人參

去蘆

黃芩

桂心

甘草

白芍藥

川芎

杏仁

各一兩

附子

炮半兩

防風

半兩

右呔咀每服五錢水一錢半薑七片棗兩箇煎至七分去滓不以時候服取汗隨人虛實與所中輕重有人脚弱服此六七劑得瘥精神恍惚加茯神遠志骨節煩痛有熱者去附子倍芍藥心煩多驚者加犀角半兩骨間冷痛者倍用桂附嘔逆腹脹者倍人參加半夏一兩躁悶大便澁者去附子倍芍藥入竹瀝一合煎服臟寒下利者去防己黃芩倍附子一兩加白朮一兩

古今錄驗有白朮無杏仁

救急無芍藥杏仁

止十味

延年無防風

一云違失

便利產後失血并老人

小兒用麻黃桂心甘草各二兩

一法治或歌哭或

笑語無所不及用麻黃三兩人參桂枝白朮各二兩

無附子防風生薑有當歸一兩自汗者去麻黃杏仁

加白朮 脚弱加牛膝石斛各一兩 身疼痛加秦

芎一兩 腰疼加桃仁杜仲各半兩 失音加杏仁

一兩

春加麻黃一兩
秋加當歸四兩

夏加黃芩三分
冬加附子半兩

小風引湯

防風 獨活 細辛 川芎 北五味子 白茯苓

苓 人參 白芍藥 白朮 甘草

等分

右咬咀每服三錢水一盞薑三片杏仁五箇去皮尖
搥碎同煎至七分去滓溫服 如加麻黃從蓉附子
當歸羚羊角六味等分即大風引湯

千金竹瀝湯 大治熱即生風

竹瀝升二生葛汁升一生薑汁合三

右三味相和溫暖分三服朝晡夜各一服

必效竹瀝湯 治中風涎潮譫語昏塞四肢緩縱

秦艽 防風 獨活 附子

各一分

右咬咀以水四瓊煎至二瓊入生地黄汁淡竹瀝各半瓊再煎四五沸去滓分作四服無時熱服病勢去以他藥扶持未愈再作近世貴人用之多有神效

燒竹瀝法

新竹截尺許長去節作兩邊用兩磚對立相去八寸置竹仰在磚上急着焰火燒之磚外兩頭以碗盛瀝

瀝盡以絹澄清夏秋湏沉冷水中以防瀝酸凡大熱有風人亦可單服冷暖隨人勿過度荆瀝亦然

婦人中風角弓反張口噤方論第二

夫婦人角弓反張者是體虛受風風入諸陽之經也人之陰陽經絡周環於身風乘虛入於諸陽之經則腰背反折攣急如角弓之狀宜用小續命湯

方見前

活人書論曰婦人產後血虛多汗出喜中風身體強直口噤背反張作瘕治之屬太陽經先因傷風又感寒濕

而致然也古人謂之瘧病外證發熱惡寒與傷寒相似

但其脉沉遲弦細而項背反張強硬如發瘧之狀此為

異耳

新產血虛多汗出喜中風亦有此證

當察有汗無汗以分剛柔二瘧

無汗惡寒名剛瘧有汗不惡寒名柔瘧

陽瘧屬剛瘧陰瘧屬柔瘧無汗葛

根湯主之有汗桂枝加葛根湯主之凡剛柔二瘧小續

命湯並可與之有汗者去麻黃加葛根若審知剛瘧者

胃滿口噤其人卧不着席脚攣急咬齒當行大承氣湯

注云外臺云熱而瘧者死熱附木湯桂心白朮散

附子防風湯

八物白朮湯

桂枝煮散可選而用之

解惑論云合面而卧為陰症仰卧者為陽症又云或因濕寒發汗多則發症也

葛根湯

治剛症無汗惡風

產後有疾凡用麻黃更宜斟酌

葛根

一兩麻黃

去根節炮

薑皮

各三分

桂枝

粉草

芍藥

各半兩

大棗

三箇

右咬咀每服三錢水一椀煎七分去滓溫服取汗為

度

桂枝加葛根湯

治柔症有汗不惡寒

右為細末煉蜜為丸如梧桐子大空心酒下三十圓
舒經湯 治臂痛又名五痺湯亦治腰下疾

片子薑黃

四兩

甘草

羌活

各一兩

白朮

海桐皮

當歸

赤芍藥

各二兩

右為粗末每服三錢水一錢半煎至七分去滓溫服
如腰以下疾空心服腰以上疾食後服

茯苓圓

茯苓

一兩半夏

二兩枳殼

半兩風化

朴硝

一分

右四味為末薑汁煮糊為圓如梧桐子大生薑湯下
二十圓食後服

控涎丹 凡人忽患胃背手足頸項腰膝隱痛不可忍
連筋骨牽引釣痛坐臥不寧時時走易不定俗醫不曉
謂之走疰便用風藥及針灸皆無益又疑是風毒結聚
欲為癰疽亂以藥貼亦非也此乃痰涎伏在心膈上下
變為此疾或令人頭痛不可舉或神意昏倦多睡或飲
食無味痰唾稠粘夜間喉中如鋸聲多流睡涎手脚重

髓冷痺氣脉不通誤認為癱瘓亦非也凡有此疾但以此藥不過數服其疾如失

甘遂

去心

大戟

去皮

真白芥子

各等分炒

右為細末糊圓如梧桐子大臨卧淡薑湯吞下五七圓如痰猛加至十圓

白芥子散 治臂痛外連肌肉牽引背胛時發時止此由榮衛之氣循行失度留滯經絡與正氣相搏其痛發則有似癱瘓

真白芥子

木鼈子

各二兩
麤炒

沒藥

別研桂心

木香

各半
兩

右為細末入研藥令停每服一錢溫酒調下

流氣飲子

紫蘇葉

青皮 苦梗

大黃 煨當歸

芍藥

烏藥

茯苓

川芎

黃耆

枳殼

去穰
麤炒

防風

各半

兩

甘草

橘皮

各三分

木香

連皮大腹

二兩剉
薑汁炒

右咬咀每服五錢水二錢薑三片棗一枚煎一錢去

渾服

婦人賊風偏枯方論第八

論曰賊風偏枯者是體偏虛受風風客於半身也人有勞傷血氣半身偏虛者風乘虛入客於半體名為偏風也其風邪入深真氣去邪氣留發為偏枯此由血氣衰損為風所客令血氣不相周榮於肌故令偏枯也

論曰夫偏枯者其狀半身不隨肌肉枯瘦骨間疼痛神智如常名曰偏枯僕原疾之由皆由陰陽偏虧臟腑怯

弱經絡空虛血氣不足當風衝坐風邪乘虛而入疾從斯作內經云汗出偏沮使人偏枯詳其義理如樹木或有一邊津液不蔭注而先枯槁然後被風所害人之身體或有一邊血氣不能榮養而先枯槁然後被風所苦其理顯然王子亨有云舟行於水人處於風水能泛舟而亦能覆舟風能養體而亦能害體蓋謂舡漏水入體漏風傷古人有云醫風先醫血血行風自滅是也治之先宜養血然後驅風無不愈者宜用大八風湯增損茵

芋酒續斷湯

大八風湯 治中風偏枯失瘖半身不遂時復恍惚

當歸

杏仁

去皮尖
麩炒黃

甘草

桂心

乾薑

各二
兩炮

五

味子

升麻

各兩
半

川烏

炮去
皮尖

黃芩

芍藥

獨活

防風

川芎

麻黃

去
節

秦艽

石斛

去根切
酒蒸炒

人

參

茯神

石膏

黃耆

紫苑

各一
兩

大豆

三兩
去皮

炒

右為粗末每服五錢水二錢酒一合煎至一錢去滓

溫服恍惚者不用酒煎

增損茵芋酒 治半身不隨肌肉乾燥漸漸細瘦或時
瘡痛病名偏枯

茵芋葉 川烏炮去皮尖 石楠葉 防風 川椒炒出汗

女萎 附子炮 北細辛 獨活 卷柏 肉桂

天雄炮去皮 秦朮 防己各一兩 躑躅花炒 當歸 生

乾地黄各二兩 芍藥一兩

右咬咀酒二斗漬之冬七日夏三日春秋各五月初

服一合漸增之以知為度令酒氣相續

出指迷方

續斷湯 治偏枯少血

當歸

三陳皮

芍藥

北細辛

各一兩

生乾地黄

二兩

右為粗末每服五錢水二錢煎至八分去滓溫服臍寒多利者入熟附子一兩和前藥

偏風口喎方論第九

凡五方

論曰偏風口喎者是體虛受風風入於夾口之筋也足陽明之筋上夾於口其筋偏虛風因虛而乘之使其筋

偏急不調故令口喎僻也

防風湯 治卒然口喎斜言語牽急四肢如故別無所苦

防風

一兩 羌活 半兩 甘草 一分

右為粗末每服五錢水二錢煎至一錢去滓入麝香研一字溫服

治口眼喎斜

用蓖麻子七粒去皮殼細研作餅安在手心

右喎安左手左

喝安却用銅盂乘湯坐于藥上纔正即洗去

一方用巴豆不

用草麻
出本草

廣濟療風著口面喎斜語聲不轉方

生地黄汁升竹瀝升

獨活切三兩

右相和煎取一升頓服未正更進一劑

深師續命湯 療中風口僻噤諸疾卒死不知人補虛

起死神方

人參 防己

麻黃

去根節

芍藥

川芎

甘草

黃芩

白朮

各半兩

桂心

附子

炮

防風

各一兩

生薑

五兩

右切以水一斗二升煮取三升分為三服不差復作

忌海藻菰菜桃李生菜蔥雀肉猪肉

又千金方

炒大豆三升令焦以酒三升淋取汁頓服 又方用

大皂莢五兩去皮子為末以三年大醋調如左啜塗

右右啜塗左乾更塗

婦人血風心神驚悸方論第十

夫婦人血風驚悸者是風乘於心故也心藏神為諸藏之主若血氣調和則心神安定若虛損則心神虛弱致風邪乘虛干之故驚而悸動不定也其驚悸不止則變恍惚而憂懼也

排風湯亦可用

茯神散 治婦人血風五臟大虛驚悸安神定志

茯神去人參

龍齒別研獨活

酸棗仁各一兩防風

遠志

去心桂心

細辛

白朮

各三分

甘草

乾薑

各半
兩炮

右為粗末每服四錢水殘半煎至八分去滓溫服

龍齒圓

治婦人血風上攻心神恍惚驚悸眠卧不安

龍齒

別研茯神

各一兩

朱砂

研

人參

當歸

天麻

各三

分

犀角屑

檳榔

防風

生乾地黄

各半兩

遠志

去心赤箭

各一分

麝香

錢一

右為細末煉蜜圓如梧桐子大每服二十圓薄荷溫

酒下

朱貢琥珀散 治婦人血風

琥珀

研

沒藥

研

木香

當歸

芍藥

白芷

羌

活 乾地黃

延胡索

川芎

各半兩

土瓜根

牡

丹皮

去心

白朮

桂心

各一兩

石為末每服一錢水一錢煎至七分益酒三分再煎
少時熱服重者數服效

失血過多心神不安方第十一

寧志膏 治婦人因失血過多心神不安言語失常不

得睡

辰砂研酸棗仁

炒

人參

白茯苓

去木琥珀

各一分研

滴

乳

一錢研

右為末和停每服一錢濃煎燈心棗湯空心調下

方一

無茯苓琥珀蜜圓如彈
子大薄荷湯化下一粒

婦人風邪顛狂方論第十二

夫婦人顛狂病者由血氣虛受風邪所為也人稟陰陽之氣而生而風邪入并於陰則為顛入并於陽則為狂

陰之與陽有虛有實隨其虛時為邪所并則發也顛者卒發意不樂直視仆地吐涎沫口喎目急手足撩戾無所覺知良久乃甦狂者少卧不饑自高賢也自辨智也自貴倨也妄笑好歌樂妄行不休故曰顛狂也

防風散 治婦人風邪顛狂或啼泣不止或歌笑無度或心神恐懼或言語失常

防風 茯神 獨活 人參 遠志 龍齒 菖

蒲 去毛石膏

牡蠣

各一兩煨

秦艽

禹餘糧

桂心

各半

兩甘草三蛇蛻一尺

右為粗末每服三錢水浸半煎七分去滓溫服

又一方

羚羊角屑三分獨活去心遠志去心菖蒲去毛防風各半兩茯苓

神去木石膏麥門冬去心龍齒別研白鮮皮各一兩人參

生乾地黄各三分

右為粗末每服三錢水浸半煎七分溫服無時

素問云陽厥狂怒飲以鐵落狂怒出於肝經肝屬木鐵落金也以金剎木之意

愚曾治一女人眼見鬼物言語失常循衣直視衆醫多用心藥治之無效僕投養正丹二貼煎乳香湯送下以三生飲佐之立愈又一男子亦曾病此證亦用此藥收效然養正丹與百一方抱膽圓無異抱膽圓內中無硫黃有乳香也
自合方見效

婦人飛尸血厥方論第十三

夫飛尸者遊走皮膚穿藏府每發刺痛變作無常遁尸者附骨入肉攻鑿血脉每發不可得近見尸喪聞哀哭便發風尸者淫濯四肢不知痛之所在每發昏沉得風雪便作沉尸者纏骨結藏衝心脇每發絞切遇寒冷便

作注尸者舉身沉重精神錯雜常覺昏廢每節氣至變輒成大惡皆宜用此方

忍冬葉

劉數斛煮令濃取汁煎之

服如雞子大日三服

太一神精丹

出千金方

治中風之要藥治客忤霍亂腹痛脹

滿尸注惡風顛狂鬼語蠱毒妖魅癥瘕積聚溫瘧積久百方不差但是一切惡毒無所不治但近世少得曾青磁石為難合爾故不錄

蘇合香元亦治此疾方見和劑更不贅錄

雄朱散 治因喪驚憂悲哀煩惱感尸氣而成變動不
已似冷似熱風氣觸則發

雄黃

研

朱砂

研

苦梗

羌活

當歸

升麻

川

烏

炮

龍齒

別研

犀角屑

白朮

芍藥

鬼箭羽

白殭蚕

炒

木香

虎頭骨

酥炙

紫蘇子

炒

川芎

南

星

炮

山梔子

陳皮

莽草

枳殼

去穰

黃芩

各一

分麻黃

半兩

去根節

蜈蚣

二條

炙去頭足

檳榔

二箇

金蝎

一分

炒

右為細末每服二錢溫酒調下一日三服

人平居無疾苦忽如死人身不動搖默默不知人目閉不能開口噤不能言或微知人惡聞人聲但如眩冒移時方寤此由汗過多血少氣併於血陽獨上而不下氣壅塞而不行故身如死氣過血還陰陽復通故移時方寤名曰鬱冒亦名血厥婦人多有之宜服白薇湯倉公散

白薇湯方

白薇

當歸

各一兩

人參

半兩

甘草

一分

右咬咀每服五錢水二錢煎至一錢溫服

倉公散 治卒鬼擊鬼疰鬼刺心腹如刺下血便死不知人及卧魔啗脚趾不覺者并諸毒氣等疾

瓜蒂末

九篇衛生方無瓜蒂末有皂角末

梨蘆末

雄黃

研

磐石

煨研各等分

右為末研停用少許吹入鼻中得嚏氣通便活未嚏再吹以得嚏為度此藥能起死人恐皂莢者為正

白朮散 治中風身體麻痺不仁

白朮炒芍藥

藁本

去苗土
各一兩

續斷

去枯者

當歸


酒洗
焙各

二虎骨酥炙烏蛇肉

各半兩

右為細末每服二錢匕溫酒調下藏寒多利者加附

子半兩骨中煩熱者加生地黃一兩



婦人大全良方卷三

欽定四庫全書

子部

婦人大全良方卷四

詳校官八醫院醫官臣姜晟

編修臣倉聖脈覆勘

總校官原任中允臣王燕緒

校對官中書臣葉蘭

謄錄舉人臣張護

欽定四庫全書

婦人大全良方卷四

宋 陳自明 撰

婦人血風身體骨節疼痛方論第一 凡五方

夫婦人血風身體骨節疼痛者由體虛氣血不調為風冷所侵故也其狀風邪在於皮膚肌肉歷於骨節邪氣與正氣交擊故令疼痛也

芎藭散 治婦人血風身體骨節疼痛心膈壅滯少思

飲食

川芎

一兩

赤茯苓

赤芍藥

酸棗仁

炒

桂心

當

歸

木香

川牛膝

各三分

羌活

枳殼

去穰
麤炒

甘草

各半

兩

右為麤末每服三錢水一大盞薑三片煎至七分去

滓熱服無時候

羚羊角散

治血風身體疼痛手足無力心神壅悶

羚羊角屑

酸棗仁

炒

生乾地黄

檳榔

各一兩

五

凡頭痛身熱肢節痛大便秘或嘔逆而脚屈弱者脚氣也輕者可與香蘇散加木瓜檳榔生薑煎服然後隨證治之要知有脚氣之人先從脚起或先緩弱疼痺或行起忽倒或兩脛腫滿或脚膝枯細或心中忪悸或小腹不仁

皮頑不知有無也

或舉體轉筋或見食嘔逆惡聞食氣或

胃滿氣急或遍體酸痛皆脚氣候

或之一字有無是也

黃帝所謂

緩風濕痺是也頑弱名緩風疼痛為濕痺寒中三陽所患必冷小續命湯主之

煎成入生薑自然汁最

暑中三陰所患必

熱小續命湯去附子減桂一半主之大煩躁者紫雪最良若無紫雪以自合薄荷煎冷水調服極妙大便秘者脾約員麻仁員三和散主之

方並見和劑局方中

仍針灸為佳服

補藥與湯淋洗皆醫之大禁也

聖惠方婦人腳氣論

夫婦人腳氣與丈夫不同男子則腎臟虛弱為風濕所乘女子以胞絡氣虛為風毒所搏是以胞絡屬於腎也腎主於腰腳又肝脾腎三臟經絡起於十足指若臟腑

虛損則風邪先客於脚從下而上動於氣故名脚氣也
此皆由體虛或當風取涼或久坐卑濕或產後勞損或
恚怒傷肝心氣滯致令月候不通因其虛傷風毒搏於
肌骨則令皮膚不仁筋骨抽痛五緩不遂六急拘攣或
即冷痛或即腫滿或兩脚痺弱或舉體轉筋目眩心煩
見食即嘔精神昏憤肢節煩疼小便赤黃大便秘澀並
皆其證也其婦人脚氣治之與丈夫不同者以其氣血
不調懷胎難產崩傷之異是以褚澄療寡婦師尼與妻

妄殊別即其義也

凡婦人有脚氣疾者必無生育

牛膝散 治脚氣浮腫心神煩悶月候不通

川牛膝 羚羊角 檳榔 大黃炒 芒硝各一兩 防

己 桂心 牡丹皮 赤芍藥 甘草各三分 桃仁

五十粒製

右為粗末每服三大錢水一錢煎至七分去滓溫服
利下惡物為度亦要相其強弱用之

大腹皮散 治婦人風毒脚氣肢節煩疼心神壅悶

大腹皮 紫蘇 木通 桑白皮 羌活 荊芥

赤芍藥 青皮 木瓜 獨活

各一兩 枳殼二兩

右咬咀每服四錢水一盞薑五片葱白七寸煎至七分去滓空心溫服

半夏散 治婦人脚氣發動心腹脹滿飲食不下嘔逆不止

半夏 陳皮 人參 大腹皮 桂心

各三分

檳榔

一兩 赤茯苓 紫蘇

各兩半

右咬咀每服四錢水一錢半薑三片煎七分去滓溫服

犀角散 治婦人脚氣忽發衝心悶亂四肢煩疼有熱者

犀角屑

木香

各半兩

紫蘇

赤茯苓

檳榔

各一兩

赤芍藥

紅花

各三分

紅雪

一兩半

右咬咀每服四錢水一錢煎至七分去滓溫服

木香散 治婦人脚氣卒發衝心悶亂

木香

半兩

郁李仁

赤芍藥

大腹皮

紫雪

各一兩

桑白皮

桂心

檳榔

茯苓

各三分

右㕮咀每服三錢水一錢薑三片煎至七分去滓溫

服

治婦人脚氣衝心悶亂不識人宜服此藥

紫蘇

松節

各二兩

吳茱萸

半兩

檳榔

乾木瓜

各一兩

陳皮

三分

右㕮咀每服四錢水一錢煎至一半入童子小便二

合再煎三沸溫服

紫蘇散 治婦人風毒脚氣腹內壅塞痰惡不思飲食
脚重虛腫

紫蘇

葉

木通

桑白皮

茴香根

各一兩

枳殼

二兩

活獨活

荊芥穗

木瓜

青皮

甘草

各半兩

大腹子

十箇

右咬咀每服三錢水一錢薑三片葱白一莖煎至七分去滓溫服

桑白皮散 治婦人脚氣盛發兩脚浮腫小便赤澀腹
脇脹滿氣急坐卧不得

桑白皮

郁李仁

各一兩

赤茯苓

二兩

木香

防已

大腹皮

各半兩

紫蘇子

木通

檳榔

青皮

各三分

右咬咀每服三錢水一盞薑三片煎至七分去滓溫
服

薏苡仁散

治婦人脚氣緩弱及頑痺腫滿心下急大

便澀

薏苡仁 防風 猪苓 川芎 防己 檳榔

郁李仁 大麻仁 各一兩 桑白皮 二兩 枳實 三分 甘草 半兩

羚羊角屑 一兩

右為散每服三錢水一盞煎至七分去滓放溫服

四白散 治男子婦人血虛發熱夜多盜汗不進飲食
四肢羸瘦骨立拘攣脚痛不能行

黃耆 厚朴 益智仁 藿香 白朮 白扁豆

陳皮 各一兩 半夏 白茯苓 人參 白豆蔻仁

天台烏藥

甘草

各半兩

京南芍藥

兩半

檀香

沉

香

各一分

右為細末每服三錢水一錢薑三片棗子一箇煎至七分溫服

自後諸證退只有脚攣痛不能行以蒼朮元治之效此藥大治乾濕脚氣筋脉拘攣疼痛不能行履兼補下部蒼朮元方

乳香

沒藥

各二錢別研

川牛膝

青鹽

各半兩研

熟艾

四錢

川烏

錢三全蝎

一錢炒

右除研藥為細末入研藥令停以木瓜一箇大者切
一頭留作蓋去穰入上件藥於木瓜內將蓋簽定安
木瓜於黑豆中蒸令極爛取出去皮連藥研成膏却
入生蒼朮末拌令得所真如梧桐子大每服五十真
空心用木瓜湯下或溫鹽酒亦得一日三服忌血與

蒜

乙巳年羅安人病發熱自汗心煩身體骨立足痛
拘攣不能屈伸飲食不進雖老醫亦不能療召僕

治之六脉弦弱僕曰雖脉似勞實非勞也似脚氣而
非正脚氣但當調脾生血其熱必退然後攻足則可

望安遍尋諸方皆無對證之藥遂處四白散子與服
不半劑熱退能食又處蒼朮負蝨之筋脉伸足能行
而愈

大便秘者可與七宣員神功員七聖檳榔員三和散服

之効

諸方並見
和劑方

婦人大全良方卷四